

**DE LEGIONIBUS  
REIPUBLICAE ROMANAEE  
COMMENTATIO.**

---

**SCRIPSIT**

**ET**

**AUCTORITATE AMPLISS. PHILOSOPHORUM ORD.**

**IN**

**UNIVERS. LITERAR. CAESAR. DORPATENSI**

**AD GRADUM**

**MAGISTRI**

**RITE IMPETRANDUM**

**BIBLIOTHECA  
ACADEMIA  
DORPATENSIS**

**PUBLICE DEFENDET**

**J. G. KROHL,**

**PHIL. DOCT., LITERARUM LATINARUM PRÆCEPTOR PRIMARIUS  
IN GYMNASIO RIGENSI.**

**DORPATI,**

**TYPIS HENRICI LAAKMANNI.**

**MDCCCXLI.**

**IMPRIMATUR**

haec dissertatio ea lege, ut, quum primum ex officina  
emissa fuerit, quinque exempla ejus collegio libris inspi-  
ciendis exhibeantur.

Dorpati die 6 m. Aug. a. MDCCCXL.

**Dr. Fr. Goebel,**  
Ord. philos. h. t. Decanus.

**Lecturis salutem.**

**S**i quis, quum recentioribus temporibus  
hominum doctorum industria maxime in ve-  
terum scriptorum et poetarum operibus inter-  
pretandis versari, multae autem rerum anti-  
quarum partes nondum ea, qua par est,  
diligentia indagatae jacere neglectae videren-  
tur, ejusmodi quoque rebus explicandis et  
illustrandis operam daret, operaे pretium  
facturum esse putabam. Qua cogitatione per-  
motus equidem hoc suscepi munus, ut in  
legionum Romanarum res gestas quique fuis-  
sent variis temporibus inde ab Imperatore  
Octaviano Augusto usque ad Constantimum  
Magnum earum numeri et nomina et stativa  
inquirerem.

Justus Lipsius, his in rebus indagandis  
facile princeps, in libro, quem de militia  
Romana conscripsit, quaecunque ad univer-  
sam legionis Romanae institutionem militum-  
que genera et disciplinam pertinent, illustrare

1\*

263320

studuit, sed quae de singularum legionum nominibus stativisque in analectis ad illum librum exposuit, parvi sunt aestimanda neque totam rem absolvunt. Neque in iis, quae Onuphrius Panvinius, Pancirolius, alii, quorum opera de republica Romana conscripta Graevius in thesauro antiquitatum Romanarum collegit, videtur acquiescendum esse. Olim Bimardus de legionibus opus historico-criticum dicitur molitus esse, sed consilium suum nunquam est exsecutus.<sup>1)</sup> Longe majoris momenti ea habenda sunt, quae interpretes occasione oblata in medium protulerunt, sed ea quoque, cum non totam rem comprehendant, saepe magis ex arbitrio ad singulos rerum scriptores explicandos sunt disputata, quam ex veritate in justa, quae ad cunctas pertineat legiones, disquistione posita.

Qui reipublicae liberae temporibus quotannis fuerit legionum numerus, ne potest quidem indagari, quum ex belli tum maxime urgentis necessitate aliae scriberentur, aliae dimitterentur, unde fiebat, ut jam subsequentis anni legiones eodem numero insignitae tamen non essent eadem. Accedit, quod

1) Orell. inscriptt. lat. tom. II. p. 85.

ipsi rerum scriptores ut in re mutabili et ambigua singulorum annorum legiones non semper indicaverunt. At quum unus toti reipublicae Romanae praeesse inciperet, legiones non in tempus solebant scribi, sed iisdem fere castris, ut imperii Romani provincias custodirent, teneri, unde iisdem numeris cognominibusque coepiae sunt vocari. Cujus rei rationem Maecenas apud Dionem Cassium<sup>2)</sup> ex Imperatoris Octaviani Augusti mente prudentissime exponit. Quo ex tempore scriptores rerum Romanarum et Latini et Graeci ita rerum gestarum narrationem instituerunt, ut legionum saepius mentionem injicerent, cuius diligentiae laudem praeter alios Tacitus meretur maximam. Ut autem respublica Romana paulatim in unius potestatem concessit, ita easdem legiones retinendi mos et consuetudo jam ex eo tempore, quo bella civilia exarserunt, invaluit. Neque enim alii fere exercituum duces exstiterunt, quam qui gratia populari aucti inter se de summa rerum certarent.<sup>3)</sup> Quae quum ita sint, earum legionum, quae sub Imperatoribus florebant, primordia ex bellorum civilium undis sunt repe-

2) LII, 27. — 3) Appian. bell. civ. II, 19.

tenda.<sup>4)</sup> Quamobrem in legionum Romanarum res gestas inquirendi initium mihi ex eo tempore putabam faciendum esse, quo Cn. Pompejus ex bello Mithridatico in Italiam reversus legiones suas dimisit,<sup>5)</sup> et C. Julius Caesar Galliarum administrationem suscepit.

Quae de singulis legionibus Imperatorum Romanorum aut ex scriptoribus aut ex numis inscriptionibusque novimus, ad certissima quaedam variorum temporum testimonia, quae de omnibus Imperii Romani legionibus traduntur, referenda sunt. Sic enim tantum fieri potest, ut singularum legionum res gestae ex veritate indagentur. Primum autem Tacitus<sup>6)</sup> de iis legionibus, quae Tiberio imperante per orbem Romanum distributae fuerint, diligentissime exposuit, deinde Dio Cassius,<sup>7)</sup> qui anno 155 p. Chr. natus rerum Romanarum historiam Imperatore Severo Alessandro mortuo videtur confecisse, et legiones Augusti suo tempore superstites et deinceps ab aliis Imperatoribus scriptas recenset. Praeterea exstat legionum catalogus,<sup>8)</sup> ad M. Antonini aetatem pertinens, qui eo pluris est aesti-

mandus, quod legiones secundum provincias suas dinumerantur. Tali modo usque ad Imperatorem Constantimum Magnum, cum is novam rei militaris rationem institutisset,<sup>9)</sup> ex eoque tempore maxime imperii Romani res, ut fere in notitia dignitatum utriusque imperii enarrantur, maxime mutatae essent, veterum legionum Romanarum res gestae stativaque mihi videbantur exponi posse, atque insequentium temporum disquisitionem aliorum studio industriaeque relinquendam esse arbitrabar.

Ut de legionum Romanarum numeris et stativis exponerem, veterum scriptorum, quod conjectura provideri posset, omnium narrationes consului, plures autem eo modo res gestas enarrare cognovi, ut singularum legionum fere nullam aut rarissime mentionem facerent. Maximam utilitatem ad res illustrandas veteres numi et inscriptiones attulerunt, quas nondum omnes ob librorum penuriam adire mihi licebat.

Jam cum ea, quae de singularum legionum, quae sub Imperatoribus fuerunt, et

4) II, 96. Tac. hist. III, 24. — 5) Plut. Pomp. c. 43.  
— 6) Ann. IV, 5. — 7) LV, 23 et 24. — 8) Orell.  
inscriptt. lat. n. 3368 et 3369.

9) Gibbon, Geschichte des Versailes und Unterganges  
des Röm. Weltreichs, übers. von J. Sporschil. Lpz.  
1837. p. 495.

nominibus et stativis conscripta habeo, in vulgus editurus essem, ad me fasciculus Zimmermanniarum ephemeridum est allatus, in quo C. L. Grotfend<sup>10)</sup> omnium, qui hac de re occasione oblata scripserunt, longe doctissime et accuratissime de legionibus Romanis egit, uberiorem disquisitionem, omnibus quae ad rem absolvendam pertineant jam paratis, futuro tempore si vacaverit promittens. Statim consilium libelli mei edendi omisi, quum intelligerem, me pluribus libris caruisse, qui ad numos et inscriptiones, ex quibus plus fere quam ex scriptoribus ipsis ad legionum sub Imperatoribus res gestas explicandas auxilii peti potest, pertinent. Nunc igitur eam scriptionis meae partem, quae extrema reipublicae liberae tempora complectens sine integris numorum et inscriptionum subsidiis absolvi posset, solam typis exscriptam publico virorum doctissimorum judicio subjiciam.

Scribam Rigae Cal. Aug.  
a. MDCCCXXXI.

10) Kurze Uebersicht der Geschichte der römischen Legionen von Cäsar bis Gallienus. cf. Zimmermann's Zeitschrift für die Alterthumswissenschaft. 1840. Nr. 79. S. 641.

## Cap. I.

### §. 1. *De militum in legione Romana numero.*

Legio Romana a legendō est dicta, quia milites in delectu leguntur<sup>11)</sup>, ut apud Graecos λόχος a λέγειν. Jam a Romulo est instituta trium milium peditum et trecentorum equitum, ex singulis tribubus enim sunt conscripti mille pedites et centeni equites<sup>12)</sup>. Sabinis autem a Romulo in civitatem receptis, legio est duplicata et peditum sex milium, equitum sexcentorum facta<sup>13)</sup>, id quod Lipsius<sup>14)</sup> ita explicare studebat, ut diceret, Romulum duplicasse legionem et binas fecisse. Quae conjectura, etsi Plutarchus illud non diserte memoriae tradidit, satis probabilis videtur. Verum postea militum numerus in legionibus aut ex belli necessitate aut ducum consilio est adactus, ut Dionysius<sup>15)</sup> narrat, a P. Valerio Poplicola decem

11) Varr. l. l. IV., 16. 12) V., 89. 13) Plut. Rom. c. 20.  
14) De mil. Rom. II., 5. 15) VI., 42.

legiones esse scriptas, singulas quater mille militum. Anno 374 u. c. 380 a. Chr. n. quatuor legiones quaternum milium<sup>16)</sup>, a. 406 u. c. 358 a. Chr. n. decem legiones quaternum milium et ducenorum peditum, equitumque trecentorum conscriptae sunt<sup>17)</sup>. Anno autem 418 u. c. 339 a. Chr. n. reipublicae Romanae fuisse quatuor fere legiones quinum milium peditum, equitum trecentorum apud Livium<sup>18)</sup> legimus, ubi tamen ex Lipsii<sup>19)</sup> conjectura legendum est: „quaternum milium.“ Etenim vel anno 493 u. c. 261 a. Chr. n. Polybio<sup>20)</sup> auctore conscriptae sunt, ut quotannis fieri solebat, quatuor legiones, quibus quaterna milia peditum et trecenti equites erant, nec non idem militum numerus fuit sex legionibus a. 534 u. c. 220 a. Chr. n. conscriptis<sup>21)</sup>. Quae cum ita sint, usque ad annum 536 u. c. 218 a. Chr. n. legitimus militum numerus in legione Romana videtur fuisse quaternum milium peditum et trecentorum equitum, Livius<sup>22)</sup> enim ad hunc annum narrat: „Exercitus quoque multiplicati sunt. Quantae autem peditum equitumque additae sint copiae, adeo et numero et genere copiarum variant auctores, ut vix quidquam satis certum affirmare ausim. Decem milia novorum

16) Liv. VI., 22. 17) VII., 25. 18) VIII., 8. 19) De mil. Rom. II., 3. 5. Drakenb. ad Liv. VIII. 8. VI. 18. 20) I., 16. 21) Liv. XXII., 17. 22) XXII., 36.

militum alii scripta in supplementum, alii novas quatuor legiones, ut octo legionibus rem gererent: numero quoque peditum equitumque legiones auctas, milibus peditum et centenis equitibus in singulas adjectis, ut quina milia peditum, trecenti (Lipsius conjectit CCCC idque haud immerito) equites essent<sup>23)</sup>.“ Quae Lipsii conjectura, quam non possumus quin probemus, iis tamen non confirmatur, quae Appianus<sup>24)</sup> ad hunc annum narrat, cum dicit, Romanos habuisse tredecim legiones, legionem autem jam tum quinum milium peditum et trecentorum equitum fuisse, quamvis Appianus quoque videatur testari, eo fere tempore legionem esse quinum milium peditum factam.

Licet igitur statuere, ab hoc fere anno moris fuisse, in singulas legiones quina milia peditum et quadringenos equites conscribere, ut annis 537 u. c. 217 a. Chr. n.<sup>25)</sup> atque 562 u. c. 192 a. Chr. n.<sup>26)</sup> est factum. Qui militum numerus tamen varie aut imminutus aut auctus est, ut anno 570 u. c. 184 a. Chr. n. quatuor legiones quina milia peditum, ducenos equites, aliae quatuor autem quina milia ducenos pedites, trecentos equites, una denique quinque milia ducentos pedites, quadringenitos equites habebant<sup>27)</sup>. Sic vel postea legio-

23) Polyb. III., 107. 24) Rom. hist. VII., 8. 25) Liv. XXIII., 34. 26) XXXVII., 39. 27) XL., I. 18. 36.

nes quaternum milium, nonnunquam adeo senum milium aut senum milium ducenorum militum inveniuntur, ut annis 548 u. c. 206 a. Chr. n.<sup>28)</sup>, 581 u. c. 272 a. Chr. n.<sup>29)</sup>, 584 u. c. 170 a. Chr. n.<sup>30)</sup>. Verum a Mario demum, cuius ingenio multae universae rei bellicae emendationes tribuenda sunt, institutum est, ut legionariorum militum numerus esset sex milia<sup>31)</sup>. Insequentibus temporibus usque ad Imperatores tamen legiones videntur non multum excessisse quinum milium numerum, nam M. Antonius in proelio Actiae dicitur habuisse centies mille pedites, qui undeviginti legionibus continebantur<sup>32)</sup>.

Sub Imperatoribus legio Romana minimum habebat centum et sex milia peditum, equites septingentos viginti sex, et in decem cohortes divisa erat, quarum prima, praetoria sive milliaria, mille centum quinque pedites et centum triginta duos equites continebat, reliquae novem, quingenariae nominatae, quingenos quinquagenos quinos pedites et sexagenos senos equites<sup>33)</sup>. Accedebant auxiliaiae cohortes et alae ejusdem fere aut amplioris etiam numeri, ut toti legioni plus duodecim milia armatorum essent, de quibus Tacitus<sup>34)</sup> sic

scribit: „At apud idonea provinciarum sociæ triremes alaeque et auxilia cohortium: neque multo secus iis virium: sed persequi incertum fuerit, cum ex usu temporis huc illuc mearent, gliscerent numero et aliquanto minuerentur<sup>35)</sup>.“ Attamen sub Imperatoribus quoque singulis legionibus haud raro quina fere peditum milia fuerunt, id quod ex iis, quae Aelius Lampridius<sup>36)</sup> de Severo Alexandro narrat, appareat: „Fecerat denique sibi argyroaspidas et chrysoaspidas: fecerat et phalangem triginta milium hominum, quos phalangarios vocari jussерat, et cum quibus multum fecit in Perside, quae quidem erat ex sex legionibus similium armorum, stipendiorum vero post Persicum bellum majorum.“

### §. 2. *De legionum numero.*

Temporibus reipublicae liberae non constabat certus legionum numerus, sed ex senatusconsulto quotannis est constitutum, quot legiones conscriberentur<sup>37)</sup>. Quatuor legiones consulum enim, quae quotannis solebant scribi, non sufficiebant semper hostibus reipublicae coercendis. Bello

28) XXIX., 24. — 29) XLII., 31. — 30) XLIV., 21. — 31) Fest. s. v. Sex. — 32) Plut. Ant. 61. 68. — 33) Veget. II., 6. — 34) Ann. IV., 5.

35) Cf. Liv. III., 22. XXIV., 44. XLIII., 14. Tac. Ann. I., 56. — 36) Vit. Sever. Alex. c. 50. — 37) Liv. XXVII., 22. XLII., 31.

finito vero milites dimisso esse, ex Liviana rerum gestarum narratione apparet, cumque quotannis aliae dimitterentur, aliae scriberentur legiones, iisdem numeris eadem legiones non poterant appellari. Jude a. C. Julii Caesaris consulatu autem legiones ob dissensiones civiles, in quibus pro singulorum principatu est dimicatum, diutius sunt sub iisdem signis retentae, ex iisque earum legionum, quae iisdem numeris cognominibusque insignitae sub Imperatoribus semper fere easdem provincias custodiebant, primordia sunt repetenda. Quamobrem mihi hanc rem difficillimam quidem, sed quae investigetur dignissimam, quippe quae non minimum integrum ad imaginem totius imperii Romani adumbrandam afferat, suscipienti in singulas legiones inde a C. Julii Caesaris consulatu inquirendum esse putabam, ut singularum legionum res gestas, quantum quidem ex scriptorum et numorum inscriptionumque antiquarum auctoritate fieri posset, a prima usque origine persequi liceret.

---

### Cap. II.

#### *De C. Julii Caesaris legionibus.*

C. Julio Caesaris consuli anni 695 u. c. 59 a. Chr. n. Pompeji opera Gallia cisalpina et trans-

alpina cum Illyrico et quatuor legionibus in quinque annos provincia est decreta<sup>38)</sup>). Minus accurate, ut ex iis, quae de Caesaris copiis disputaverimus, apparebit, ei decretam fuisse Galliam et Illyricum cum decem legionibus Eutropius<sup>39)</sup> tradidit. Quum igitur Caesar ineunte anno 696 u. c. 58 a. Chr. n. in Gallias proficeretur, sex habebat legiones, quatuor veteranas, duas in Italia proxime conscriptas<sup>40)</sup>). Veterimae autem legiones ejus erant septima, octava, nona<sup>41)</sup> atque decima, quarum tres illo tempore circa Aquilejam hiemaverant<sup>42)</sup>), una autem sola ante hoc tempus in Gallia ulteriore fuerat<sup>43)</sup>). Reliquae duae erant undecima et duodecima, hoc ipso anno in Gallia citeriore conscriptae<sup>44)</sup>). Legio decima semper erat Caesaris studiosissima<sup>45)</sup>.

Anno insequenti 697 u. c. 57 a. Chr. n. Caesar erant octo legiones, sex prioribus enim additae sunt duae novae in citeriore Gallia conscriptae<sup>46)</sup>, tertia decima<sup>47)</sup> atque quarta decima. Anno 699

---

38) Plut. Caes. 14. Pomp. 48. Suet. Caes. 22. Dio Cass. XXXVIII., 8. 41. Appian b. c. II., 13. Drumann's Geschichte Roma. 3. Thl. S. 216 Anm. 66. S. 218 Anm. 73. — 39) Vl. 17. — 40) Caes. b. G. I., 24. Appian. b. c. II., 13. — 41) Caes. b. G. VIII., 8. — 42) I., 10. — 43) I., 7. — 44) I., 24. VIII., 8. — 45) Dio Cass. XXXVII., 47 ibique Relmar. Drumann. I. I. tom. III. p. 235. ann. 15. — 46) Caes. b. G. II., 2. 8. — 47) V., 24. 53.

u. c. 55 a. Chr. n. Caesari imperium Galliarum in quinquennium est prorogatum<sup>48)</sup>, quamvis Pompejus et Crassus consules, ut eorum, quae meli- rentur, compotes fierent, tantum in triennium se Caesari imperium prorogatuos promisissent<sup>49)</sup>. Anno 700 u. c. 54 a. Chr. n. una legio Caesaris et quidem quarta decima, quae proxime trans Padum conscripta erat<sup>50)</sup>, Titurio et Cotta ducibus fere tota in Eburonum terra interierat<sup>51)</sup>; praeterea Nervii ipsum Caesarem magna clade affec- runt, legionum XII. et VII. centurionibus interfectis<sup>52)</sup>, atque ipse nonnisi legionis X. fortitudine est servatus<sup>53)</sup>.

Verum jam anno 701 u. c. 53 a. Chr. n. tres legiones Caesari ante exactam hiemem in Gallia cisalpina et constitutae et adductae sunt, Pompejo, qui cum imperio ad urbem erat, delectum agente<sup>54)</sup>.

48) Plut. Caes. 21. Pomp. 51. Suct. Caes. 24. Appian. b. c. II., 18. — 49) Dio Cass. XXXIX., 33. — 50) Caes b. G. V., 24. Dixerit aliquis, haec ad legiōnē XIII., quae simul cum legione XIV. trans Padum scripta fuerit, eodem jure posse pertinere. Verum si Caes. b. G. V., 24. et 53. comparaverit, facile apparebit, legiōnē XIII., cui L. Roscius lega- tus p̄aeſtuit, eodem anno, quo legio XIV. ingentem illam cladē est perpessa, incolumen apud Eſſuos, gentem Armoricām, hiberna habuisse. — 51) Caes. b. G. V., 27. Appian. b. c. II., 29. Dio Cass. XL., 5. 6. — 52) Plut. Caes. 20. — 53) Appian. de reb. Gall. 4. — 54) Caes. b. G. VI., I. Drumann I. I. tom. III. p. 235 ann. 5.

Erant autem legiones XV.<sup>55)</sup> atque I. a Pompejo ex delectu provinciae Caesaris confecta et Caesari commodata<sup>56)</sup>, tertia fuit XIV.<sup>57)</sup>, quae, quamvis jam anno 697 u. c. 57 a. Chr. n. instituta fuisset, in locum ejusdem legionis ab Eburonibus deletae est conscripta. Necesse est igitur Caesarem decem legiones in Galliis habuisse: I., VII., VIII., IX., X., XI., XII., XIII., XIV., XV. Neque ex Caesaris ipsius commentariis<sup>58)</sup>, ubi singularum legionum hiberna indicantur, non appetat, decem tantum legiones ei fuisse. De decem legionibus etiam Suetonius<sup>59)</sup> videtur his verbis testari: „Cum adversariis autem pepigit, ut dimissis octo legionibus Transalpinaque Gallia duae sibi legiones et Cisalpina provincia, vel etiam una legio cum Illyrico concederetur, quoad consul fieret. At Hir- tius<sup>60)</sup> legionis VI. mentionem injicit, cujus Caesar ipse nusquam meminit, et qua admissa tota legionum computatio turbatur. Anno 702 u. c. 52 a. Chr. n. enim Caesari tantum decem legiones fuisse vidimus<sup>61)</sup>, etsi paulo post<sup>62)</sup> legionum in hiber- nis collocatarum ea instituitur recensio, ut etiam

55) Caes. b. G. VIII., 55. — 56) VIII., 54. Cic. ad div. VIII., 4. — 57) Caes. b. G. VI., 32. — 58) VI., 32. 33. 44. VII., 34. VIII., 46. — 59) Caes. c. 29. — 60) bcll. Gall. VIII., 4. — 61) VII., 34. — 62) VII., 90.

de undecim legionibus cogitare licet, siquidem ipsum Caesarem Bibracte hiemantem unam secum habuisse legionem verisimile videatur. Neque tamen Hirtius aut qui alias de bello Gallico commentariorum librum octavum conscripsit erroris potest coargui in legione VI. commemoranda, cum ipse Caesari non decem, sed undecim legiones tribuerit<sup>63)</sup>. Quam rem ut expediamus, opportune nobis succurrerit ejusdem Hirtii<sup>64)</sup> narratio, qua nos edocet, legionem XV. non in Gallia, sed in Italia, quae praesidia tueretur, collocatam fuisse. Conjecerim igitur, legione VI., cum a Caesare ipso nusquam commemoretur, legione XV. nondum conscripta in Italia plerumque praesidia agitasse.

Praeterea autem homines docti putaverunt, legionem V. quoque, quae est Alauda appellata, Caesaris auspiciis in Gallia stipendia meruisse<sup>65)</sup>. Ita enim Suetonius de Caesare: „Qua fiducia ad legiones, quas a republica acceperat, alias privato sumtu addidit: unam etiam ex Transalpinis conscriptam, vocabulo quoque Gallico: Alauda enim appellabatur: quam disciplina cultuque Romano institutam et ornatam, postea universam civitate donavit.“ Quam legionem numero quintam fuisse, inde manifestum est, quod legioni V. in pluribus

63) VIII., 34. — 64) VIII., 55. — 65) Cf. interpp. ad Sueton. C. Jul. Caesarem. c. 24.

inscriptionibus cognomen Alaudae additur<sup>66)</sup>. Quum praeterea M. Antonius C. Julio Caesare imperfecto legionem Alaudarum ad partes suas dicatur perduxisse, cum eaque, quae ex Macedonia, quo a Caesare belli Parthici causa erat praemissa, Brundusium videtur advenisse, Romam perrexisse<sup>67)</sup>, et legio V. in bello Mutinensi ab ejus partibus steterit<sup>68)</sup>, plane dubitari non potest, quin legio Alauda in Caesaris exercitu fuerit numero quinta. Legionis V. Caesaris anno 707 u. c. 47 a. Chr n. demum mentio fit eaque dicitur Messanae collata fuisse<sup>69)</sup>, et tum quidem apud Caesarem ipsum jam veterana appellatur. Quum vero eo tempore, quo Caesar Gallias administrabat, nunquam afferatur, quamvis diligentissime a Caesare legiones, quarum ope in Galliis sit usus, recensentur, aptissime Grotfendius<sup>70)</sup> conjicit, eam pro justa legione tum demum haberi coeptam esse, cum ejus milites a Caesare civitate donati essent, sicut postea Caesar omnibus Gallis Transpadanis, qui eum in Pompejo devincendo maximopere adjuverant, eundem honorem concessit<sup>71)</sup>.

66) Grut. p. 403, 2. p. 544, 2. p. 559, 7. Orell. inscriptt. lat. n. 773. Reines. class. VI., 35. p. 410. — 67) Cic. ad Att. XVI., 8. Appian. b. c. III., 40. 45. — 68) Cic. ad divers. X., 33. — 69) Caes. b. c. III., 101. b. Afr. 1. 84. — 70) Zimmermann's Zeitschr. für die Alterthumsw. 1840. N. 79. p. 642. — 71) Dio Cass. XLl., 36.

Sub exitu anni 703 u. c. 51 a. Chr. n. Caesar ex senatusconsulto Pompejo duas legiones ad bellum Parthicum misit, primam, quam ei Pompejum auxiliari jussisse cognovimus, et quintam decimam. Quae copiae tamen ad urbem retentae Pompejo adduntur et Capuae in hibernis collocantur. Hirtius<sup>72)</sup> illam rem, cuius Appianus saepissime mentionem injicit, his verbis enarrat: „Fit deinde S. C., ut ad bellum Parthicum legio una a Cn. Pompejo, altera a C. Caesare mitterentur: neque obscure hae duae legiones uni Caesari detrahuntur. Nam Cn. Pompejus legionem primam, quam ad Caesarem miserat, confectam ex delectu provinciae Caesaris, eam tanquam ex suo numero dedit.“ Verum dederitne Caesari Pompejus ex suis legionibus unam an duas, nequaquam inter rerum scriptores constat. Hirtius enim et Appianus<sup>73)</sup> de una legione, quam Pompejus Caesaris commodaverit, dicunt, Plutarchus<sup>74)</sup> autem memoriae tradidit, Pompejum duas ex legionibus suis Caesaris commodasse atque unam tantum Caesaris nomine anno 701 u. c. 53 a. Chr. n. circa Padum flumen conscripsisse. Cum Appiano et Hirtio facit Dio Cassius<sup>75)</sup>. Etsi trium illarum legionum duae ex ordine Caesarianarum legionum XIV. et XV. sint

72) Bell. Gall. VIII., 54. — 73) b. c. II., 29. — 74) Caes. c. 25. Pomp. c. 52. — 75) XL., 65.

appellatae, Pompeji autem legio jam impositura numerum primae retinuerit, quae res Plutarchi auctoritatem videtur deminuere, tamen quod observetur dignum est, Pompejum earum legionum a Caesare belli Parthici causa traditarum XV. numerasse tertiam, legionis primae autem nomen non mutavisse<sup>76)</sup>, quae res valde Plutarchi auctoritatem videtur stabilire, neque enim Pompejus legionem XV. appellasset tertiam, si hujus numeri legio tum partem exercitus ejus effecisset. Verisimile igitur est, Pompejum Caesaris duas ex suis legionibus commodasse, I. et III., quarum Caesar tertiam tanquam suam XV. nominaverit, receptaque denuo suis nominibus insignivisse. Ceterum Lucanus<sup>77)</sup> legionem XV., a Caesare Pompejo redditam, quartae nomine esse insignitam tradit.

Itaque anno 704 u. c. 50 a. Chr. n. Caesar novem legiones V., VI., VII., VIII., IX., X., XI., XII., XIV. in Galliis collocatas habet, XIII. in locum XV. in Italia superiore.<sup>78)</sup> Quum anno 705 u. c. 49 a. Chr. n. Italiam hostis intrasset, eum sex legionibus, quarum tres erant veteranae XIII., XII. et VIII., reliquae ex novo delectu confectae atque in itinere completae, Brundusium proficiuntur, ut Pompejum obsideret.<sup>79)</sup> Fuerintne illae

76) Caes. b. c. III., 88. — 77) Phars. VII., 219. — 78) Plut. Pomp. c. 58. — 79) Caes. b. c. I., 11. 18. 25.

legiones ex delectus ordine numeris XVI., XVII. atque XVIII. insignitae, non satis constat, cum Caesar legionem XV., Pompejo concessam, non amplius posset suam numerare. Accedebat autem tribus illis legionibus, a Caesare recens conscriptis, praeter VII. cohortes Attii Peligni,<sup>80)</sup> ex milibus Domitianis maximum supplementum. Etenim L. Domitius Ahenobarbus a senatu in Galliae provinciae imperio Caesari succedere jussus, cum quatuor milibus conscriptis ex Urbe profectus erat,<sup>81)</sup> aliasque sibi videtur copias adjunxisse,<sup>82)</sup> quum Demitiani illi milites, qui a Caesare paulo post ad Corfinium recipiuntur, duas dicantur effecisse legiones, quas tamen Curione duce, Caesaris legato, postea in Africa totas periisse videbimus.<sup>83)</sup> Illae legiones videntur a Caesare XIX. et XX. numeratae esse. Ab Appiano Plutarchus<sup>84)</sup> non multum dissentit, cum scribit, fuisse Domitio apud Corfinium triginta cohortes, atque non solum eas Caesarem sibi adjunxisse, sed eos quoque milites, qui a Pompejo conscripti in vicinis oppidis versarentur.<sup>85)</sup>

A Corfinio Caesar Brundusium, quo Pompejus quascunque poterat copias in Graeciam trajecturus

80) I., 18. — 81) Appian. b. c. II., 32. — 82) Cic. ad Att. VIII., 11. 12. IX., 6. — 83) Caes. b. c. II., 28. 43. Appian. b. c. II., 38. — 84) Caes. c. 34. 35. — 85) Cic. ad Att. VIII., 11. 12.

contraxerat, contendit, neque Pompejum aliquamdiu frustra obsessum impedire potuit, quin omni exercitu in Graeciam trajiceret. Inde Romam petens atque republica pro tempore ordinata in Hispanias profecturus Valerium legatum cum legione una in Sardiniam mittit atque in Siciliam Curionem propraetorem cum legionibus tribus, eundemque, cum Siciliam receperisset, protinus in Africam transducere exercitum jubet.<sup>86)</sup> Partem militum Brundusii relinquit, aliam Hydrunte, tertiam denique Tarenti, quae copiae Italiam tuerentur, ita ut Lepidus Aemilius Urbi praeesset, M. Antonius trib. pleb. autem Italiae copiis. Praeterea C. Antonio in Illyricum misso Galliam Cisalpinam Licinio Crasso committit.<sup>87)</sup> C. Antonius cum magno exercitu paulo post ab Octavio, Pompeji legato, devictus trucidatur.<sup>88)</sup> Tres legiones Caesar Massiliam adducit et C. Trebonium legatum ad oppugnationem Massiliae, cui urbi Domitius praefectus fuerat, relinquit,<sup>89)</sup> cujus oppugnationis socia videtur legio X. fuisse, id quod ex narratiuncula, quam Val. Maximus<sup>90)</sup> memoriae tradidit, conjicere licet. Sic enim Valerius: „Ne C. Acilium quidem praeferire possumus, qui, cum decimae legionis miles

86) Caes. b. c. I., 30. 31. — 87) Appian. b. c. II., 40. 41. — 88) II., 47. de reb. Illyr. 12. Flor. epit. IV., 2. 89) Caes. b. c. I., 36. — 90) Lib. III. Cap. II., 22.

pro C. Caesaris partibus maritima pugna proelia-  
retur, abscisa dextra, quam Massiliensem navi  
injecerat, laeva puppim apprehendit nec ante dimi-  
care destitit, quam captam profundo mergeret.“

Dum haec Caesar parat atque administrat,  
C. Fabium legatum cum legionibus tribus, quas  
Narbone circumque ea loca hiemandi causa dispo-  
suerat, in Hispaniam praemittit, reliquas legiones,  
intellige duas, quae longius hiemabant, subsequi  
jubet.<sup>91)</sup> Quae duae legiones diversis temporibus  
adveniunt, ita ut Caesar in Hispania omnino quin-  
que haberet legiones.<sup>92)</sup> Fuerunt autem nona atque  
quarta decima,<sup>93)</sup> tricesima et vicesima prima,  
paucis mensibus in Italia scriptae, et quinta nuper  
in Hispania ipsa confecta.<sup>94)</sup> Legio vernacula Pompejanorum se Caesari tradit.<sup>95)</sup> Caesar Pompejanis  
in Hispania devictis et partim exercitui suo immix-  
tis,<sup>96)</sup> partim dimissis,<sup>97)</sup> Q. Cassium cum quatuor  
legionibus Hispaniae ulteriori praefecit.<sup>98)</sup> Tum  
Massiliam se contulit, quam urbem quum expug-  
nataam esse cognovisset, duas legiones ibi praesidio  
reliquit, reliquas in Italiam misit.<sup>99)</sup> Ipse quoque

91) Caes. b. c. I., 37. — 92) I., 40. 83. — 93) I., 45.  
46. — 94) Bell. Alex. 53. — 95) b. c. II., 20. —  
96) Vell. Pat. II., 50. Plut. Pomp. 65. — 97) Caes.  
b. c. I., 86. 87. — 98) II., 21. Appian. b. c. II., 83.  
99) Caes. b. c. II., 22.

quam celerrime in Italiam profectus est, militum-  
que seditionem, Placentiae ortam, cuius maxime  
legio IX. particeps fuerat, duodecim militibus in-  
terfectis compescit.<sup>100)</sup> Interim C. Curio, re in  
Sicilia bene gesta, ex Caesaris jussu in Africam  
duas eas legiones, quas superioribus temporibus  
Corfinio receptas sacramentum apud se dicere jus-  
serat, una, quae haud dubie V. Alauda erat,<sup>1)</sup> in  
Sicilia relicta transduxerat.<sup>2)</sup> Duae illae legiones,  
ex delectus ordine XIX. et XX., ut videtur, totae  
intereunt.<sup>3)</sup> Itaque Caesar ad duodecim legiones  
redactus erat.<sup>4)</sup> Fortasse autem Caesari etiam  
plures legiones fuerunt, cum Pompejanarum par-  
tium in Hispania devictarum haud parvas copias  
exercitui suo admiscuisse. Quot tamen ea re  
efficerit legiones, nusquam memoriae traditur.

Pridie nonas Januarias anni 706 u. c. 48 a.  
Chr. n. aut, ut Appianus<sup>5)</sup> narrat, ipsis calendis  
Januariis Caesar naves solvit ex Brundusio, impo-  
sitatis legionibus septem et equitibus delectis sex-  
centis in Graeciam trajecturus.<sup>6)</sup> Subsequuntur

100) Appian. b. c. II., 47. Dio XII., 26. — 1) Caes.  
b. c. III., 101 b. Afric. 1. — 2) b. c. II., 28. —  
3) II., 43. Appian. b. c. II., 46. — 4) Caes. b. c.  
III., 2. Appianus tamen (b. c. II., 49) Caesari hoc  
tempore tantum decem legiones tribuit. 5) b. c. II., 54.  
6) Caes. b. c. III., 6.

Caesarem ex Brundusio legiones veteranae tres, una tironum et equites octingenti.<sup>7)</sup> Praeerat iis Antonius, qui Plutarcho<sup>8)</sup> auctore viginti milia peditum et equites octingentos trajecit. Caesar igitur in Graecia usus est decem legionibus veteraniis et una tironum, XXVII. appellata. Idem testatur Florus.<sup>9)</sup> Neque Eutropius<sup>10)</sup> multum ab his dissentire videtur, cum scribit: „In proelio Pharsalico Pompeja acies habuit XL. milia peditum, equites in sinistro cornu sexcentos, in dextro quingentos; Caesar in acie habuit peditum non **integra** XXX. milia, equites mille.“ Si enim ad veritatem rettulit, legiones singulas non integras fuisse necessare est, quod inde quoque verisimile est, quod Caesar non semper omnibus ejusdem legionis cohortibus utebatur, sed partem legionum in urbium praesidiis collocatam habebat. Accedit, quod omnino eae copiae, quas Caesar in Graeciam trajecerat, variis de causis infrequentes erant.<sup>11)</sup> Praeterea voluntariorum manus, quam Gabinius Caesaris injussu per Illyricum adducturus erat, tota periit.<sup>12)</sup> Erant autem quindecim cohortes et tria milia equitum, quorum signa amissa Caesar Octavianus anno 723 u. c. 31 a. Chr. n. recepit.<sup>13)</sup>

7) Ill., 29. — 8) Anton. c. 7. — 9) Epit. IV., 2. — 10) VI., 20. — 11) Caes. b. c. III., 2. — 12) Appian. b. c. II., 59. Plut. Ant. 7. — 13) Appian. de reb. Illyr. 13. 18.

Caesariani in Graecia exercitus legiones in variis belli cladibus enarrandis tantum hae suis nominibus afferuntur: VI.<sup>14)</sup>, VIII.<sup>15)</sup>, IX.<sup>16)</sup>, X.<sup>17)</sup>, XI., XII.<sup>18)</sup>, quarum maxime legio X. excelluit.<sup>19)</sup> Caesar in pugna apud Pharsalum commissa perdidit XXX. centuriones, ducentos aut, ut alii contendunt, mille ducentos pedites, Pompejus autem decem viros senatorios, quadraginta fere equites atque sex milia peditum.<sup>20)</sup> Peditum captivorum plurimos Caesar legionibus suis immiscuit.<sup>21)</sup> Ceterum Pompejum a copiis fuisse multo instructiorem Plutarchus<sup>22)</sup> quoque tradit, Pompejo enim quadraginta quinque milia peditum et septem milia equitum, Caesari autem mille equites et viginti duo milia peditum fuisse narrat.

Anno 707 u. c 47. a. Chr. n. Caesar Pompejo devicto duabus legionibus equitibusque octingentis in Aegyptum trajecit,<sup>23)</sup> et legiones suas victrices quasi ipse subsecuturus in Italiam praemisit.<sup>24)</sup>

14) Suet. vit. Caes. 68. — 15) Caes. b. c. III., 89. — 16) Ill., 45. 62. 63. 66. — 17) Ill., 89. — 18) Ill., 34. — 19) Appian. b. c. II., 76. 78. 79. 82. Plut. Pomp. 69. — 20) Appian. b. c. II., 82. — 21) Plut. Caes. 46. Pomp. 69. 70. 72. — 22) Caes. 42. — 23) Caes. b. c. III., 106. „In his erant legionibus hominum tria milia ducenti; reliqui, vulneribus ex proeliis et labore ac magnitudine itineris confecti, consequi non poterant.“ — 24) Dio Cass. XLII., 30.

Duarum illarum legionum, quas secum Alexandriam duxit, una erat sexta.<sup>25)</sup> Pompejanorum autem Cassius in Pontum ad Pharnacem, quem ad bellum contra Caesarem excitaret, profectus est, Scipio et Cato in Africam, Varo ejusque exercitu atque Jubae, Numidiae regi, confisi, Pompejus denique Cn. Pompeji filius major natu cum Labieno in Hispanias se contulerunt.<sup>26)</sup> Cassius autem paulo post cum septuaginta triremibus Caesari se tradit.<sup>27)</sup> Pompejanis ex militibus dediticiis vero Caesar novas legiones confecit easque ex Asia sibi Alexandriam adduci jussit.<sup>28)</sup> Tali modo legio XXXVII. imposta in naves a Domitio Calvino, Asiae praeside, Alexandriam desertur, alterius legionis, quae a Domitio Caesaris jussu itinere terrestri per Syriam missa erat, in bello Alexandrino nulla sit mentio.<sup>29)</sup> Quatuor igitur legiones Caesari apud Alexandriam fuerunt, sexta veterana, XXXVII. et duae aliae, quarum numeros nusquam memoriae proditos inveni. Bello Alexandrino finito Caesar cum legione sexta in Syriam proficiscitur, reliquas, intellige tres, Alexandriae relinquunt.<sup>30)</sup> Suetonius<sup>31)</sup> quoque refert, Caesarem tres legiones

25) Caes. b. Alex. 33. — 26) Appian. b. c. II., 87. — 27) II., 88. — 28) Caes. b. c. III., 107. — 29) Bell. Alex. 9. 35. — 30) 33. — 31) Caes. c. 76.

Alexandriae reliquisse, totidemque legiones Strabo<sup>32)</sup> in Aegypto collocat, qui addit, unam legionem in urbe Alexandria, reliquas duas in agro versari esse solitas.

Eodem anno Caesar adversus Pharnacem proficiscitur. Domitio Calvino a Caesare Asiae finitimesque provinciis praeposito erant tres legiones XXXV., XXXVI. et XXXVII., quarum postremam Alexandriam miserat. Legionibus XXXV. et XXXVI. accedebant duae a rege Dejotaro, quas ille disciplina atque armatura Romana complures annos constitutas habebat. Praeterea ei erat legio Pontica, ex tumultuariis militibus in Ponto confecta. Quinque illae legiones jussu Domitii Comana conveniunt.<sup>33)</sup> Prope urbem Nicopolim Domitius a Pharnace devincitur, ita ut magna pars Dejotari militum interficeretur, Pontica legio fere tota periret.<sup>34)</sup> Tum Caesar ipse bellum parat adversus Pharnacem, quam ad rem utitur legione sexta, adeo tamen deminuta, ut minus mille homines in ea essent, una, quam ex genere civium suorum Dejotarus disciplina atque armatura Romana constitutam habebat, atque duabus aliis, quae in eo proelio, quod Cn. Domitium fecisse cum Pharnace scripsimus, fuerant XXXV. et XXXVI.<sup>35)</sup> Dejotari illa

32) Lib. XVII. Cap. I. §. 12. — 33) Caes. bell. Alex. c. 34. 35. — 34) c. 39. 40. — 35) c. 69.

legio videtur numero XXII. fuisse, nam legio XII., quae initio anni 707 u. c. 47 a. Chr. n. statim post pugnam Pharsalicam Sullam, Caesaris legatum, in Asia lapidibus egisse dicitur,<sup>36)</sup> per errorem quendum haud dubie apud Ciceronem legitur et in legionem XXII., quae postea quoque Dejotarianae cognomine appellata extabat,<sup>37)</sup> commutanda est. Legionem XII. enim in pugna Pharsalica a Caesaris partibus stetisse et deinde in Italiam remissam esse supra monuimus. Quod autem Plutarchus<sup>38)</sup> narrat, Caesarem cum tribus tantum legionibus adversus Pharnacem profectum esse, legionem sextam, quippe cui ne mille quidem milites essent, non videtur numerasse. Pharnacc devicto Caesar legionem sextam ad praemia atque honores accipiendos in Italiam decidere jubet, auxilia Dejotari domum remittit, duas legiones, intellige XXXV. et XXXVI., cum Coelio Viniciano in Ponto relinquit.<sup>39)</sup> Quod autem Caesar Dejotari auxilia domum remisit, ideo copiae illae non sunt dimissae, sed post Caesaris necem quoque Dejotaro dicitur magnus et Romano more instructus exercitus fuisse isque M. Bruto postea favisse.<sup>40)</sup> Praeterea Q. Cornificio, Caesaris quaestori, qui pro praetore dua-

36) Cic. ad Att. XI., 21. — 37) Orell. inscriptt. lat. n. 521. — 38) Caes. c. 50. — 39) Caes. b. Alex. c. 77. — 40) Cic. Phil. XI., 14.

bus cum legionibus Illyrico erat praefectus, auxilio missus est Gabinius cum legionibus tironum, quae nuper erant conscriptae. Legiones illae duobus milibus interfectis Salonam se contulerunt.<sup>41)</sup>

Eodem tempore, quo haec in Graecia, Aegypto atque Illyrico gesta sunt, Cassius Longinus, in Hispania pro praetore provinciae ulterioris obtinenda causa a Caesare relictus, quinque habebat legiones, II., quae diuturnitate dicitur jam facta provincialis, V. novam nuper a se conscriptam, XXI. et XXX., paucis mensibus in Italia scriptas, atque legionem Vernaculam.<sup>42)</sup> Quae copiae quum ob avaritiam crudelitatemque Cassii Longini ad Pompejum deficere vellent, Lepidus ex citeriore provincia cum cohortibus legionariis XXXV. magnoque numero equitum et reliquorum auxiliorum venit ea mente, ut sine ullo studio contentiones Cassii Marcellique, quem seditiosae copiae ducem delegerant, compesceret. Huic venienti sine dubitatione Marcellus se credit atque offert. Cassius fugiens in Iberi fluminis ostio periit. Tum ne Trebonius quidem proconsul ad provinciam obtinendam missus pacem restituere potuit.<sup>43)</sup>

Caesar deinde per hiemem anni 707 u. c. 47 a. Chr. n. cum sex legionibus in Sicilia collectis,

41) Caes. b. Alex. c. 42. 43. — 42) c. 53. 54. — 43) c. 63. 64.

quarum e numero legio V. veterana erat, in Africam trajecit atque primus ipse cum tribus milibus peditum et centum quinquaginta equitibus appulit.<sup>44)</sup> Milites autem antequam in Africam trajicerentur, in Urbe tumultuati erant, cum Caesare proficiisci nolentes, cujus tumultus etiam legio X. particeps erat.<sup>45)</sup>

Anno 708 u. c. 46 a. Chr. n. in Africam legiones aliae aliis temporibus trajiciuntur, primum XIII. et XIV.<sup>46)</sup>, deinde IX. et X.<sup>47)</sup>, postremo VII. et VIII.<sup>48)</sup> Quas legiones si compaterimus, Caesarem in Africa duodecim legionibus necesse est bellum administrasse. Neque non totidem nominantur: II.<sup>49)</sup>, V., VII., VIII., IX., X., XIII., XIV. (quae apud Valerium Maximum<sup>50)</sup> Martia appellatur), XXVI., XXVIII., XXIX. et XXX.<sup>51)</sup>, quarum quatuor postremae erant tironum, cum octo legiones dicantur veteranae fuisse.<sup>52)</sup> Pompejanarum partium duces in Africa dicebantur habuisse quatuor legiones regias, ipsi decem légiones magnamque insuper copiarum vim.<sup>53)</sup> Haec Caesar per famam ad Siciliae incolas perlata audiuerat. Verum ista contra veritatem videntur divul-

44) Bell. Afr. 1. 3. Plut. Caes. 52. — 45) Appian. b. c. ll., 94. — 46) Caes. b. Afr. c. 34. — 47) c. 53. — 48) c. 62. — 49) c. 81. — 50) ill., 2. 19. — 51) Caes. b. Afr. 60. — 52) c. 66. — 53) c. 1.

gata esse, quum enim Caesar in Africa esset, octo tantum legiones Scipionis et tres Jubae regis commemorantur.<sup>54)</sup> Quibuscum consentit Appianus,<sup>55)</sup> militum numero et genere diligentius indicato. Pompejanarum legionum nomina, praeterquam IV. et VI.<sup>56)</sup> et Afranianae<sup>57)</sup>, nulla afferuntur. Plures autem earum legionum M. Cato ex acie Pharsalica profugas e Cyrene pedestri itinere ad Scipionem duxerat.<sup>58)</sup> Ex duabus Scipionis legionibus, IV. et VI., multi milites ad Caesarem diffugunt. Pompejanis, qui etiam tum, quum Juba rex in regnum suum abierat, Appiano<sup>59)</sup> auctore octoginta milia hominum efficiebant, in Africa ad Thapsum maximam partem interfectis aut dissipatis, qua in pugna maxime legio V. Caesaris, quae sibi ipsa certamen adversus elephantos committi voluerat, extelluit, ita ut etiam Appiani temporibus in signis elephanti imaginem eam ob causam gestaret<sup>60)</sup>, Caesar anni 46 a. Chr. n. mense Junio Romam rediit, ubi quum quatuor tantum menses commoratus esset, anno 709 u. c. 45 a. Chr. n. in Hispaniam adversus Pompejanos est profectus. Caesaris enim in Hispania copiae, quibus Longino mortuo

54) c. 20. 48. — 55) Bell. civ. II., 96. 98. — 56) Caes. b. Afr. 35. 52. — 57) bell. Hisp. 7. — 58) Vell. Patrc. II., 54. Plut. Cat. min. 55. 56. — 59) bell. civ. II., 97. — 60) II., 96. Caes. b. Afr. c. 84.

Trebonius praefuerat, aliis ducibus electis atque Trebonio ejecto defecerant.<sup>61)</sup> Caesar cum paucis contra exspectationem non tantum Pompejanorum, sed suorum etiam militum in Hispaniam transvectus est. Erant ei legiones sexta, quae a Scipione in Africa ad Caesarem defecrat,<sup>62)</sup> quinta,<sup>63)</sup> decima atque tertia.<sup>64)</sup> Legio X. tamen numero erat parva.<sup>65)</sup> Omnino autem decem legiones Caesar videtur in Hispania habuisse, in oratione enim, quam in concione Hispalim convocata habuit, ex Hispaniensibus quaerit, nonne animadvertisse, etiam se deleto decem habere legiones populum Romanum, quae non solum ipsis obsistere, sed etiam coelum diruere possent.<sup>66)</sup> Intelligit autem haud dubie eas legiones, quibuscum in Hispania erat bellum gesturus.

Pompejus aquilas quidem et signa habuit XIII. legionum, sed ex quibus aliquid firmamenti se existinaret habere, duae erant vernaculae, quae a Trebonio transfugerant; una facta ex coloniis, quae fuerant in his regionibus; quarta fuit Africana ex Africa, quam secum adduxerat; reliquae ex fugitivis auxiliares consistebant<sup>67).</sup> Pompeji legiones videntur a prima usque ad tertiam deci-

61) Dio Cass. XL., 29. — 62) Caes. bell. Hisp. c. 12. — 63) c. 23. — 64) c. 30. — 65) c. 31. — 66) c. 42. — 67) c. 7. 30.

mam numeratae esse<sup>68)</sup>), afferuntur enim legio I. Pompejana<sup>69)</sup>, II.<sup>70)</sup> et XIII.<sup>71)</sup> M. Tullius Cicer<sup>72)</sup> tantum de undecim legionibus Pompeji in Urbe audiverat. In pugna apud Mundam commissa Cn. Pompejus est interfectus, Sextus autem ad Celtiberos aufugit<sup>73)</sup>. Ultimum bellum Caesar adversus Parthos suscepturus erat, quamobrem sedecim legiones equitumque decem milia, ut mare Jonium trajicenter, praemiserat<sup>74)</sup>. Re vera autem sex tantum legiones in Macedoniam videntur trahisse<sup>75)</sup>. Verum anno 710 u. c. 44 a. Chr. n. idibus Martiis Caesar in curia Pompeji est necatus.

Quot legiones Caesar reliquerit, non satis constat, cum per variorum bellorum casus plerasque quidem legiones, sed non omnes afferri videamus. Facile autem assentior Grotfendio<sup>76)</sup>, qui Caesare mortuo plus XL. legiones fuisse putat, cum Antonio, Octaviano Lepidoque postea XXVIII. legiones veterane, Bruto autem et Cassio XV. fuerint, praeter quatuor veteranas in Africa collccatas.

68) c. 8. 30. — 69) c. 18. — 70) c. 13. — 71) c. 34.  
72) ad divers. VI., 18. — 73) Appian. b. c. II., 106.  
— 74) Cic. ad Att. XVI., 4. Appian. b. c. II., 110.  
— 75) III., 24. — 76) Zimmermann's Zeitschr. für die Alterthumsw. 1840. Nr. 79. S. 644.

**Cap. III.**

*De Cn. Pompeji Magni legionibus.*

Cn. Pompejus exercitum suum Mithridate dedito Brundusium reversus anno 694 u. c. 60 a. Chr. n. dimisit, ea tamen lege, ut ad futurum triumphum milites se iterum ad ipsum colligerent<sup>77)</sup>. Itaque inde ab anno 695 u. c. 59 a. Chr. n. urbe militibus completa rempublicam vi administrabat<sup>78)</sup>. Anno autem 698 u. c. 56 a. Chr. n., quum simul cum Crasso consulatum ex interregno peteret, sine exercitu ad urbem commorabatur<sup>79)</sup>, quam ob causam Caesar multos milites, quibus Pompejus et Crassus adjuvarentur, in urbem misit<sup>80)</sup>. Tum Pompejus et Crassus consules anno 699 u. c. 55 a. Chr. n. efficiunt, ut Crasso Syria cum vicinis regionibus, ut Aegypto, Pompejo Hispaniae, in quibus nuper motus exorti erant, atque Africa cum quatuor legionibus in quinquennium assignarentur. Praeterea lex perlata est, ut sumerint sibi quantum vellent militum ex civibus et sociis, bellumque et pacem, quibuscum ipsis videretur, contraherent<sup>81)</sup>. Pompejus autem amicis in illas provincias missis ipse Romae mansit<sup>82)</sup>.

77) Plut. Pomp. c. 43. Appian. de bell. Mithr. c. 116.  
— 78) Plut. Pomp. c. 48. — 79) Plut. Cat. min. c. 45. Appian. b. c. II., 30. 31. Dio Cass. XXXIX., 89.  
— 80) Plut. Pomp. c. 51. Dio Cass. XXXIX., 31.  
— 81) Plut. Pomp. c. 52. Dio Cass. XXXIX., 33.  
— 82) Plut. Pomp. c. 53.

In Hispanias sex legiones misit septemque ibi conscribendam curavit<sup>83)</sup>, quarum vernacula et secunda<sup>84)</sup> nominatim afferuntur. Falso autem Grotendius Caesaris loco<sup>85)</sup> confisis legiones III. et V. afferri putat. Crassus, qui Syriam sortitus erat, adversus Parthos profectus est, verum ex Crassi clade anno 701 u. c. 53 a. Chr. n. vix decem milia centum milium hominum in Syriam redierunt, quae duas fere legiones efficiebant<sup>86)</sup>. Omnino autem ei septem legiones secundum Plutarchum<sup>87)</sup>, secundum Florum<sup>88)</sup> adeo undecim legiones fuerant. Praeter exercitus triumvirorum nullus amplius fuisse videtur, neque consules sperare poterant, fore ut exercitu accepto bellis gerendis praeficerentur<sup>89)</sup>. Anno 701 u. c. 53 a. Chr. n. Pompejum Caesari duas legiones commodasse supra docuimus. Quum Pompejo anni 702 u. c. 52 a. Chr. n. unico consuli imperium in quinque annos prorogaretur, ex senatusconsulto ei duae legiones additae sunt<sup>90)</sup>. Anno 705 a. c. 49 a. Chr. n. quum senatui convocato extra urbem copias suas exponeret, legiones habere se paratas decem dixit<sup>91)</sup>, vere quidem, sed tamen paulo magnificentius, quum legiones

83) Caes. b. c. I., 85. — 84) bell. Alex. c. 53. — 85) bell. civ. I., 83. — 86) Appian. b. c. II., 18. 49. — 87) Crass. c. 20. — 88) epit. III., 11. — 89) Appian. b. c. II., 19. — 90) II., 24. — 91) Caes. b. c. I., 6.

Hispanicae longius essent remotae, quam ut inde in bello civili aliquid auxilii exspectare posset. Initio enim ejusdem anni spem omnem Pompeji tantum in duabus invidiose retentis, paene alienis legionibus fuisse Cicero<sup>92)</sup> docet. Quac duae legiones eadem sunt, quas a Caesare acceperat, I. et XV., quarum unam I., alteram III.<sup>93)</sup> appellatam in Apulia hibernorum causa disposuerat<sup>94).</sup> Praeterea ei septem legiones in Hispania fuisse docebo, unde Africam provinciam ejus una legione fuisse coercitam conjicio. Tres enim legati Pompeji, Afranius et Petrejus et Varro, Hispaniam obtinebant: unus tribus legionibus Hispaniam citeriorem, alter a saltu Castulonensi ad Anam duabus legionibus, tertius ab Ana Vettonum agrum Lusitaniamque pari numero legionum obtinebat<sup>95).</sup> Septem igitur legiones, ut paulo ante indicavi, in Hispania Pompejo erant. Afranii autem et Petreji legiones quinque conjunctae unum exercitum efficiebant, Varro duabus cum legionibus Lusitaniae praeerat. Quae legiones quum Appiano<sup>96)</sup> auctore veteribus et exercitatis militibus constiterint, inter eas videntur fuisse sex istae legiones veterimae, quae a prima usque ad sextam numeratae ante

---

92) ad Att. VII., 13. VIII., 12. — 93) Caes. b. c. III., 88. —  
94) I., 14. — 95) I., 38. — 96) bell. civil. II., 40.

Caesaris adventum in Galliam extiterint necesse est, quum Caesaris legiones a septima cooptae sint nominari. Quarum legio vernacula, sic cognominata, quod in Hispania ipsa erat conscripta<sup>97),</sup> anno 705 u. c. 49 a. Chr. n. Caesari in Hispania bellum gerenti se tradidit<sup>98).</sup> Reliquus Pompejanus exercitus ad omnium rerum desperationem redactus Caesaris jussu dimittitur<sup>99).</sup> Cohortes tamen nonnullae ab Afranio ad Pompejum perducuntur<sup>100).</sup> Eodem anno Pompejus a senatu centum triginta milia Italorum, maxime qui stipendia fecissent ideoque rei militaris periti essent, praeter alios milites bellicosissimarum gentium vicinarum conscribere jubetur<sup>1).</sup> Tam ingentes copias autem non videtur conscripsisse. Cui rei dum operam dat, legiones Attianae, quarum tanquam non firmissimarum Cicero<sup>2)</sup> mentionem facit, ita tamen ut earum numerum non diligentius indicaverit, ad Caesarem P. Attio Varo deserto transeunt<sup>3).</sup> Una legio a Fausto conscripta simul cum aliis copiis Capuae et circum Capuam comparatis in Siciliam a Pompejo est missa<sup>4).</sup>

A. d. XVI. Calend. April. anni 705 u. c. 49 a.

---

97) Caes. b. c. I., 85. — 98) II., 20. — 99) I., 86. 87.  
— 100) III., 88. Appian. b. c. II., 65. — 1) II., 34.  
— 2) ad Att. VII., 15. 20. — 3) Caes. b. c. I., 13.  
— 4) Clc. ad Att. VIII., 3. 12. X., 1. —

Chr. n.<sup>5</sup>) Pompejus ex Brundusio in Graeciam transvectus legiones efficerat civium Romanorum novem; quinque ex Italia, undique ex novis electibus collectas<sup>6</sup>), quas transduxerat; unam ex Creta et Macedonia, ex veteranis militibus, qui dimissi a superioribus imperatoribus in iis provinciis consederant, duas ex Asia, quas Lentulus consul conscribendas curaverat. Praeterea magnum numerum ex Thessalia, Boeotia, Achaja Epiroque supplementi nomine in legiones distribuerat. His Antonianos, quos Octavius in Illyrico devicerat, milites admiscuerat. Insuper exspectabat cum Scipione ex Syria legiones duas<sup>7</sup>). Scipionis<sup>8</sup>) legiones, Parthicae sive Syriacae nominatae, paulo post locupletissimis Pergami ex urbibus adveniunt<sup>9</sup>). Cum Caesare, Pompeji copias enumerante, consentit Appianus<sup>10</sup>), qui dicit, Pompejo in universum fuisse virorum Italicorum undecim legiones et equitum fere septem milia et praeterea ingentem sociorum numerum. Auxiliis tamen non est usus omnibus ad bellum, sed ad custodias et fossas agendas aliudque ministerium Italici exercitus, ne Italorum quemquam a bello detrahatur. At Florus<sup>11</sup>) tradit, Pompejo fuisse duodeviginti legiones, florem

5) IX., 15. — 6) Caes. b. c. I., 24. — 7) III., 4. — 8) Cic. ad Att. IX., 1. — 9) Caes. b. c. III., 32. 36. — 10) bell. civ. II., 49. — 11) epit. IV., 25.

omnem et robur Italici sanguinis. Florus vero non solum de legionibus, quibus Pompejus in Graecia utebatur, dicit, sed omnium legionum numerum indicavit, undecim enim legionibus Pompejus usus est ad Pharsalicam pugnam, sex ei fuerunt legiones, ut Florus ipse quoque testatur, in Hispania atque una in Africa. Pompejanarum legionum nomina practer I., II., III., quae in Caesaris exercitu fuerat XV., et V.<sup>12</sup>) ignoramus. Milites tamen maximam partem recens delecti erant et minus exercitati, quam Caesariani<sup>13</sup>). Praeterea Africam Attius Varus ex S. C. obtinebat, ibique Pompejo favens delectu habito duas legiones efficerat, quarum una cum C. Confidio Longo Adrumentum tuebatur<sup>14</sup>). Pompejo ad Pharsalum devicto ex ejus militibus Caesar novas legiones constituit<sup>15</sup>). Juvat etiam afferre Appiani<sup>16</sup>) locum, quo Caesaris et Pompeji copiae percissentur. Fuerunt Caesaris secundum eorum scriptorum rationem, qui diligentissime in eam rem inquisiverunt civium Romanorum viginti duo milia eorumque equites fere mille, Pompejo autem amplius quam duplex ille numerus eorumque equites septies mille,

12) Caes. b. c. III., 69. 88. — 13) Appian. b. c. II., 66. 73. 74. — 14) Caes. b. c. I., 31. II., 23. Appian. b. c. II., 44. — 15) Caes. b. c. III., 107. — 16) bell. civ. II., 70.

ita ut septuaginta milia civium manus consererent. Alii minus sexaginta milia proelio Pharsalico interfuisse dicunt, alii quadringenta milia, numero nimis aucto. Alii denique ita disputant, ut Caesarianos Pompejanorum tantum dimidiam, alii adeo tertiam tantum partem effecisse dicant. Accedebant ingentia auxilia utriusque, Pompejo tamen majora. Cicero<sup>17)</sup> Pompejum ex Brundusio in Graeciam transeuntem hominum milia XXX. secuta esse scribit.

---

Cap. IV.

*De M. Antonii legionibus.*

Caesariorum exercituum reliquiae in potestatem vel M. Antonii vel Caesaris Octaviani vel M. Lepidi vel Bruti Cassiique concesserunt, quamobrem in eorum quoque legiones ex veterum scriptorum testimoniis inquirendum esse arbitrabar. C. Julio Caesare necato M. Antonius ita populi amorem sibi conciliavit, ut senatus ei cohortem praetoriam concederet, quam Antonius mox usque ad sex milia armatorum auxit<sup>18)</sup>. Tum Antonius

consul persuadet Dolabellae, collegae suo, ut a populo Syriam sibi provinciam peteret. Quod cum factum esset, Dolabella simul est dux belli adversus Parthos delectus eique exercitus sex legionum, quem Caesar eandem ob causam collectum in Macedoniam praemiserat<sup>19)</sup>, traditus. Exercitus ille in Asiam trajecturus erat. Tum Antonius ipse Macedoniam, cuius exercitu potiretur, provinciam impetravit<sup>20)</sup>. Interea ut sibi exercitus, qui in Macedonia erat, committeretur, famam divulgabat, Getas in Macedoniam irruptionem fecisse, ad quos repellendos exercitum Macedoniae a senatu sibi postulavit. Quae res ei bene successit. Erant autem in Macedonia sex legiones integræ, quæ fortitudine excellebant<sup>21)</sup>. Unam legionem tamen Dolabellae concessit<sup>22)</sup>. Tum in locum Macedoniae Galliam Cisalpinam, cui Decimus Brutus Albinus cum tribus legionibus praeerat<sup>23)</sup>, Cal. Jun. a. 710 u. c. 44 a. Chr. n.<sup>24)</sup> a senatu impetrare studet, quod cum senatus aegre ferret, ita ut Decimum alterum exercitum et pecunias adversus Antonium colligere juberet, tamen per populum voti compos est factus<sup>25)</sup>. Jam exercitum suum

---

17) ad Att. IX., 6. — 18) Appian b. c. III., 5.

19) III., 25. — 20) III., 8.9. — 21) III., 25. — 22) Cic. Phil. XI, 2. — 23) Appian. b. c. III., 6. — 24) Cic. ad Att. XIV., 14. — 25) Appian. b. c. III., 30. Dio Cass. XLV., 9.

ex Macedonia Brundusium trajiciendum curavit ipseque illuc profectus est. Adveniunt primum quatuor legiones, insequitur paulo post quinta. Milites tumultuantes Ariminum proficisci jubet, ipse se Romam confert. Quo in itinere legio Martia, quae erat numero XIV.<sup>26)</sup>, et quarta ad Caesarem Octavianum deficiunt<sup>27)</sup>. Tum Antonius Roma Ariminum abit, ubi ipsi praeter recens delectas erant tres legiones e Macedonia advectae, quarum una erat V. Macedonica sive Alauda<sup>28)</sup> atque altera, ex militibus emeritis constans, quae quamvis senescens longe praestabat recens delectis. Duabus legionibus erant nomina secundae et trigesimae quintae<sup>29)</sup>. Accedebant copiae auxiliares illarum legionum atque praetoria ejus conors, ita ut triginta fere milia militum efficerentur<sup>30)</sup>. Praeterea Lepidus, cui a Caesare decreta erat provincia Gallia Narbonensis finitimaque Hispania<sup>31)</sup>

---

26) Orell. inscriptt. lat. n. 4356. Grotfend. I. I. p. 646.  
27) Cic. Phil. III., 3. 15 et alibi. Liv. Epit. 117.  
Vell. Pat. II., 61. Apian. b. c. III., 45. 47. Dio Cass. XLV., 13. — 28) Cic. ad Att. XVI., 8. Phil. XIII., 2. et saepius. Quod Grotfend. I. I. p. 647. legiōnem V. Alaudam Caesaris dimissam, postea autem ab Antonio denuo constitutam esse putat, mihi quidem non aequē est persussum. — 29) Cic. ad. div. X., 30. Phil. V., 19. — 30) Appian. b. c. III., 58. — 31) Vell. Pat. II., 63. Appian. b. c. II., 107. Dio Cass. XLIII., 51.

cum quatuor legionibus, Asinius Pollio Hispaniac praefectus<sup>32)</sup> cum duabus, Plancus cum tribus iisque veteranis unaque tironum ex omnibus luculentissima<sup>33)</sup> in Gallia Transalpina Antonii partibus favebant<sup>34)</sup>. Alter tamen Plancus in epistola ad consules anno 711 u. c. 43 a. Chr. n. data<sup>35)</sup> dicit: „Legiones quinque habeo sub signis, et sua fide virtuteque recipublicae conjunctissimas, et nostra liberalitate nobis obsequentes.“ Legionem X. veteranam enim, quam Plancus ipse habuerat<sup>36)</sup>, postea ad Lepidum transiisse ex iis, quae paulo post exponam, patebit. Quod ut credamus, inde quoque maxime efficitur, quod Plancus eodem anno sed serius, quam est illa epistola ad Coss. data, de quatuor tantum legionibus, quas secum duxerit, dicit<sup>37)</sup>. Sagacissime Grotfendius<sup>38)</sup> conjicit, unam Planci legionem esse appellatam III. Gallicam. Cum enim haec legio expeditionis ab Antonio contra Parthos susceptae socia fuerit<sup>39)</sup>, neque Antonius alias legiones ex Gallia acceperit, nisi Plancianas, verisimile sane est, illam legionem a Planco in Gallia fuisse conscriptam.

---

32) XLV., 10. — 33) Cic. ad div. X., 24. — 34) Apian. III., 46. 83. 97. — 35) Cic. ad div. X., 8. — 36) X., 11. — 37) X., 15. — 38) I. I. p. 648. — 39) Tac. hist. III., 24. Plut. Ant. c. 42.

Anni 710 u. c. 44 a. Chr. n. mense Decem-  
bri Antonius Decimum, cui una veterana legio,  
altera bima et octo tironum legiones erant<sup>40)</sup>, cum  
tribus legionibus, quarum una tantum recens de-  
lectos et belli minus peritos continebat, Mutinae  
obsidere coepit<sup>41)</sup>. Antonii legio recens delecta  
videtur numero tricesima quinta fuisse, reliquae  
duae erant II. et V.<sup>42)</sup>. Haud pauci milites  
tamen legionum II. et XXXV. ad C. Pansam,  
A. Hirtium consules transierunt suaque nomina  
dederunt<sup>43)</sup>. Omnino autem Antonio sex legiones  
videntur fuisse, eaeque suppletæ erant ex D. Brutii  
exercitu, non modo ex delectu suo<sup>44)</sup>. Antonius,  
magnis cladibus acceptis et majore parte vetera-  
narum copiarum amissa<sup>45)</sup>, a Caesare Octaviano  
consulibusque, Hirtio et Pansa, Mutina decidere  
coactus, ad montes Alpes iter contendit, ut tres  
legiones Publpii Ventidii, qui vetus Caji Caesaris  
miles et Antonii amicus in Caesaris coloniis duas  
legiones et unam in agro Piceno effecerat, suis  
sex legionibus adjungeret<sup>46)</sup>. Quamobrem Ven-  
tidii legiones nominabantur septima, octava et  
nona<sup>47)</sup>.

---

47) Cic. ad div. X., 24. — 41) Appian. b. c. III., 49. —  
42) Cic. ad div. X., 30. 33. — 43) Phil. V., 19. —  
44) VIII., 8. 9. — 45) ad div. X., 30. — 46) X.,  
34. Appian. b. c. III., 66. 72. 80. — 47) Cic. ad div.  
X., 33.

Tum Alpibus superatis Antonius ad Lepidum  
se confert, et cum castra sua ita posuisset, ut  
Lepidi exercitus flumine tantum a suo divideretur,  
maxime legionis X., quae ab Antonio ipso antea  
conscripta a Plancō ad Lepidi partes transierat,  
opera effectum est, ut uterque exercitus a. d. IV.  
Cal. Jun. anni 711 u. c. 43 a. Chr. n. amicitiam  
jungeret<sup>48)</sup>. Tali modo Lepidus et Antonius so-  
cietatem inierunt, ita ut Lepidus copiis suis pree-  
esse videretur, Antonius autem omnia administraret.  
Erant autem Lepido septem legiones cum alia  
magna multitudine et idoneo belli apparatu<sup>49)</sup>,  
quae sicut Antonii legiones maximam partem ex  
Caesarianis militibus constabant<sup>50)</sup>. Eodem anno  
Antonio, qui Decimum persequitur, se conjungunt  
Asinius Pollio cum duabus<sup>51)</sup>, Plancus cum tribus  
legionibus. Transeunt ad Antonium etiam quatuor  
veteriores Decimi legiones<sup>52)</sup>. Quodsi eas legio-  
nes computaverimus, Antonio omnino viginti tres  
fuerunt. Quam rationem veram esse Plutarchus<sup>53)</sup>

---

48) X., 11. 23. — 49) Appian. b. c. III., 84. — 50) Dio  
Cass. XLVI., 42. — 51) Asinius Pollio in Hispania  
tres habuerat legiones, XXVIII., XXX. atque XXI.,  
ut Grotefend. l. l. p. 648 conjicit, quia haec legio  
simul cum XXX. in Hispaniam venerat (Caes. b.  
Alex. c. 53.). Ceterum legionem XXX. Pollio jam  
antea videtur Lepido concessisse. (Cic. ad div. X.,  
31. 32.). — 52) Appian. b. c. III., 97. — 53) Ant.  
c. 18.

testatur, cum dicit, Antonium Alpibus superatis septemdecim legiones peditum et decem milia equitum secum duxisse, sex legionibus Galliarum ad custodiam relictis. Tum Antonius et Caesar, quinque legionibus uterque stipatus, apud urbem Mutinam in parva quadam insula fluvii Lavinii ant, ut Plutarchus<sup>54)</sup> et Dio Cassius<sup>55)</sup> narrant, ejus fluvii, qui praeter Bononiam labitur, conueniunt atque cum Lepido triumviratum ineunt. Antonius ex illo foedere accipit totam Galliam praeter eam partem, quae montibus Pyrenaeis contermina vetus Gallia dicitur; illa enim pars simul cum Hispania Lepido obvenit; Caesar sibi paciscitur Libyam, Sardiniam atque Siciliam cum reliquis vicinis insulis<sup>56)</sup>). Insuper constitutum est, ut Antonius et Caesar bellum contra Brutum et Cassium susciperent, Lepidus in annum insequentem consul crearetur atque ipse Romae remanens Hispaniam per vicarios administrandam curaret, et de exercitu suo tres legiones Romae retineret. Reliquae septem legiones ejus ita sunt divisae, ut Caesar tres, Antonius quatuor acciperet, atque uterque cum viginti legionibus in bellum proficisci posset. Pace restituta duodeviginti urbes Italicae militibus coloniae darentur<sup>57)</sup>). Tum triumviri cum sua quisque

54) Cic. c. 46. — 55) XLVI., 55. — 56) Appian. b. c. IV., 2. Dio Cass. XLVI., 55. — 57) Appian. b. c. IV., 3. Plut. Ant. 21.

cohorte praetoria et una legione urbem ingrediuntur. Magnae proscriptiones insequuntur<sup>58)</sup>.

Anno 712 u. c. 42 a. Chr. n. Brutus Cassium, quem Smyrnae convenerat<sup>59)</sup>, certiorem facit, Caesari et Antonio exercitum esse fere quadraginta legionum atque octo earum jam mare Jonium trajecisse<sup>60)</sup>). In duplice illa pugna apud Philippos sub finem ejusdem anni commissa ab utraque parte steterunt undeviginti legiones graviter armatorum, quae tamen Cassio et Bruto justo minores, Caesari et Antonio autem majores erant. Equitum Caesari et Antonio erant cum Thracibus tredecim milia, Bruto et Cassio viginti<sup>61)</sup>). In priore pugna, qua Cassius semet ipse interfecit, Brutus perdidit octo milia, Antonius atque Caesar duplicum illum numerum. Bruto quoque mortuo reliquiae exercitus ejus, quadraginta circiter milia, venia impetrata a Caesare et Antonio in ipsorum exercitus receptae sunt. Etiam urbium praesidia in Macedonia sese tradebant<sup>62)</sup>). Tum Antonius in Asiam proficiscitur, pecunias, quas militibus promiserat, collecturus, Caesar in Italiam ad agros iis assignandos. Provincias inter se ut antea partiti sunt, ut tamen Gallia Cisalpina libera relicta ex Caji Caesaris

58) Appian. b. c. III., 7. — 59) Liv. epit. libri 122. — 60) Appian. b. c. IV., 65. 87. — 61) IV., 108. — 62) IV., 112. 135.

sententia sua legibus uteretur. Lepidi, quippe qui Pompejo in Sicilia favere accusaretur, provinciis ipsi potiti sunt<sup>63)</sup>). Tum milites stipendiis emeritis dimiserunt praeter octo milia, quos ex eorum voluntate sub signis retentos inter se dividabant, ex iisque singulares constituebant cohortes praetoriae centurias. Reliquus eorum exercitus cum iis, quae a Bruto transierant, constabat undecim legionibus peditum et quatuordecim milibus equitum, quarum copiarum Antonius bellum externi causa sex legiones, decem milia equitum sibi sumpsit, Caesar quinque legiones equitumque quatuor milia. Verum Caesar earum quoque duas Antonio concessit aliasque sibi addidit ex iis, quas Antonius Caleno duce in Italia reliquerat. Tum Caesar ad mare Jonium est profectus<sup>64)</sup>). In universum autem Caesari et Antonio duodetriginta legiones erant, quae cum aliis copiis, quae ad eas pertinebant, centum septuaginta milia efficiebant. Praeterea habebant equitatum et magnam alius cuiusdam exercitus multitudinem<sup>65)</sup>). Belli enim clibanis est effectum, ut copiarum numerus adeo imminueretur, quamvis eo tempore, quo Antonius

63) Vell. Pat. II., 74. Plut. Ant. 23. Suet. Aug. 13. Dio Cass. XLVIII., 1. Eutrop. VII., 2. — 64) Appian. b. c. V., 3. Dio Cass. XLVIII., 2. — 65) Appian. b. c. V., 5.

et Caesar ad Mutinam se conjunxerant, illis fuis- sent quadraginta tres legiones<sup>66)</sup>.

Anno 714 u. c. 40 a. Chr. n. legionibus per provincias in hibernis collocatis, Antonius ipse in Aegyptum se confert<sup>67)</sup>). Antonii illae legiones quoque, quae proelio apud Philippos commisso non interfuerant, agrorum dividendorum participes factae sunt, ita ut per totam Italiam dispersae essent<sup>68)</sup>). Pars tamen earum Calenum ducem secuta erat, quo mortuo Caesari se tradebat simulque Galliam et Hispaniam<sup>69)</sup>). Antonio autem se tradidit Ahenobarbus, qui cum septuaginta navibus et duabus legionibus post proelium Philippense mare Jonium infestaverat<sup>70)</sup>). Antonius, cuius exercitus in Macedonia erat, Brundusii a Caesare oppugnatur, Ahenobarbo tamen, quem Bithyniae praeposuerat, dimisso, eodem anno cum Caesare Brundusii amicitia se conjungit<sup>71)</sup>). Provincias denuo inter se dividunt; Antonius accipit omnes provincias, quae ab urbe Scodra Illyriæ orientem versus sitae erant usque ad Euphratem; Caesar omnes provincias occidentales usque ad Oceanum; Lepidus retinuit Libyam, ut eam a Caesare acceperat. Bellum

66) IV., 2. V., 22. — 67) V., 10. — 68) V., 20. 24. — 69) V., 51. ibique Schweighäuser. — 70) V., 26. 55. Dio Cass. XLVIII., 16. — 71) Appian. b. c. V., 58. 64.

adversus Pompejum sibi sumpsit Caesar, adversus Parthos Antonius. Uterque parēm numerum militum in Italia conscribit. Exercitum denique, quem Caesar apud Rhodanum habebat, Antonio ut suspectum tradidit<sup>72)</sup>.

Anno 715 u. c. 39 a. Chr. n. Antonius in Graeciam trajectus, priusquam contra Parthos proficiseretur, Athenis hiemem transigere statuit. Unam exercitus partem adversus Parthenos, Illyriæ gentem, quae haud procul ab Epidauro habitabat, alteram adversus Dardanos, qui et ipse Illyriæ populus erat, mittit. Reliquus exercitus in Epiro remansit. Furnium in Libyam misit, ut quatuor illas legiones, quibus ibi Sextius praeverat, ad bellum Parthicum traduceret, ne cum enim compererat, Lepidum eas Sextio eripuisse<sup>73)</sup>.

Anno 717 u. c. 37 a. Chr. n. Caesar et Antonius inter Metapontum et Tarentum conveniunt. Antonius Caesari centum viginti naves Tarentum mittit ejusque uxor Octavia fratri decem triremes donat. Caesar contra viginti milia peditum Italcorum Antonio pollicetur et sorori cohortem praetoriam mille hominum, quos Antonius ipse eligeret<sup>74)</sup>. Anno 718 u. c. 36 a. Chr. n. Antonius,

Pompejo a Caesare in Sicilia devicto, expeditionem in Armeniam suscipit, ubi adversus Parthos prefecturus habebat Romanorum peditum sexaginta milia et cum Romanis simul instructum Iberorum et Gallorum equitatum decem milium, aliarum gentium erant triginta milia simul cum equitibus et leviter armatis<sup>75)</sup>. Legio III. hujus expeditio- nis socia maxime excelluit<sup>76)</sup>. Magna tamen clade accepta viginti milia peditum et quatuor milia equitum interierunt, majore parte non hostium vi, sed morbo interemta<sup>77)</sup>. De sedecim legionibus, quas Antonius habuisset, vix tertiam partem reliquam fuisse memoriae tradidit Florus<sup>78)</sup>, quocum de legionum numero Justinus<sup>79)</sup> consentit. At Parthis Antonium cum XIII. legionibus bellum intulisse Vellejus Paterculus<sup>80)</sup> testatur, qui numerus XIII. haud dubie corruptus est e numero XVI., quod quam facile potuerit ob similem numerorum ductum fieri manifesto appetat. Livius<sup>81)</sup> enim vel majorem prodidit legionum numerum his verbis: „M. Antonius, dum cum Cleopatra luxuriatur, tarde Mediam ingressus bellum cum legionibus octodecim et septemdecim milibus equitum Parthis intulit, et

---

72) V., 66. Dio Cass. XLVIII., 28. — 73) Appian. b. c. V., 75. Dio Cass. XLVIII., 39. — 74) Appian. b. c. V., 95. Plut. Ant. 35.

75) Appian. b. c. V., 145. Plut. Ant. 37. — 76) Tac. hist. III., 24. Plut. Ant. 42. — 77) c. 50. — 78) Epit. IV., 10. — 79) XLII., 5. — 80) II., 82. — 81) Epit. libri CXXX.

quum, duabus legionibus amissis, nulla re prospere cedente, retro rediret, insecuris subinde Parthis et ingenti trepidatione et magno totius exercitus periculo in Armeniam reversus est, viginti et uno diebus trecenta milia fuga emensus. Circa octo milia hominum tempestatibus amisit.<sup>82)</sup> Aurelius Victor<sup>82)</sup> denique Antonium tantum cum XV. legionibus bellum intulisse narrat.

Quum Antonius bellum adversus Caesarem gesturus esset, maximam copiarum partem in Armenia habebat indeque Canidium legatum cum sedecim legionibus ad maris litora castra movere jubet<sup>83)</sup>). In pugna Actiaca Antonio erant naves longae non minus quingentae, in quibus octo legiones fuisse Orosius<sup>84)</sup> testatur, et exercitus centies mille peditum, qui undeviginti legiones efficiebant, et duodecim milia equitum, Caesari naves longae ducentae quinquaginta, octoginta milia peditum et equitum numerus hostibus par. Antonii, qui e proelio cum Cleopatra effugerat, exercitus invictus, quum Canidius ejus praefectus ipse quoque clam nocte effugisset, Caesari se tradit. Navibus trecentis Caesar est potitus<sup>85)</sup>). Praeterea plures Antonii legiones, secundum Orosium<sup>86)</sup> minimum

quatuor, in Aegypto praesidia agebant<sup>87)</sup>. Quas legiones si computaverimus, Antonio minimum legiones triginta unam fuisse necesse est. Triginta fere legiones Antonium habuisse, Grotfendius<sup>88)</sup> ex numis<sup>89)</sup>, quos Antonius in honorem legionum suarum excudi jussit, docet. Inter legiones I. et XXX. tantum XXV., XXVIII., XXIX. et fortasse XXVII. non commemorari, idem monet. Tribus legionibus fuerunt cognomina, XII. Antiquae, XVII. Classicae et XVIII. Lybicae. Quod autem idem vir doctus legiones IV. Scythicam et VI. Ferratam inter Antonii copias fuisse conjicit, mihi ex iis, quae de Imperatorum legionibus collecta habeo, non aequa persuasum est. Quum autem Grotfendius nullas conjecturae illius causas attulerit, neque eum refellere mihi in animo est neque brevibus possum, cum ejus rei judicium ex continua tantum legionum, quae sub Imperatoribus fuerunt, descriptione pendeat. Ut nunc quidem res est, tantum in medium proferam, legionem IV. Scythicam mihi non aliam videri atque IV. Macedonicam.

---

87) Dio Cass. Ll., 5. — 88) I. l. p. 652. — 89) Eckhel.  
doctr. num. VI., 51. sqq. Rasche lex. rei num. VI.,  
2. p. 835. sqq. Zimmermann's Zeitschr. für die  
Alterthumsw. 1830. p. 128.

---

82) De vir. illustr. 85. — 83) Plut. Ant. 56. — 84) VI., 19. — 85) Plut. Ant. 61. 68. — 86) VI., 19.

Cap. V.

*De C. Julii Caesaris Octaviani Augusti legionibus.*

C. Julio Caesare interfecto Octavianus Apollonia, ubi versabatur, in Italiam trajecit; Brundusii multi se ei tradiderunt multique veterani, cum inde Romam contenderet, eum sunt secuti<sup>90)</sup>. Praeterea milites haud pauci Romae partes ejus capessebant<sup>91)</sup>. Tum Caesar in Campaniam profectus est in colonias patris sui, atque exercitum decies mille hominum, quem uno sub signo habebat, maxime ex Capua, Casilino et Calatina confecit. Alios milites in Etruria et circa Ravennam collegit, ut ipsi jam tria milia veteranorum essent<sup>92)</sup>. Ex quinque illis C. Julii Caesaris legionibus, quas Antonius ex Macedonia Brundusium trajiciendas curaverat, duae legiones, Martia, quam XIV. fuisse supra<sup>93)</sup> docuimus, et IV. ad Caesaris partes in Italia transeunt<sup>94)</sup>. Praeterea Caesar erant una legio recens delectorum atque duae ex vete-

90) Appian. b. c. III., 12. Dio Cass. XLV., 3. Vell. Pat. II., 61. 91) Suet. Aug. 10. Appian. b. c. III., 24. Dio Cass. XLV., 7. — 92) Cic. ad Att. XVI., 8. Appian. b. c. III., 40. 42. Dio Cass. XLV., 12. — 93) p. 44. ann. 26. — 94) Cic. Phil. III., 3. IV., 2. Vell. Pat. II., 61. Appian. III., 45. Dio Cass. XLV., 13.

ranis confectae, quae tamen neque justum militum numerum habebant neque satis armatae erant, tironibus autem suppletæ sunt. Quae copiae omnes Albam conveniunt<sup>95)</sup>. Anno 711 u. c. 43 a. Chr. n. Hirtius et Pansa consules atque Caesar, cui praetoria potestas erat tributa, Mutinam Decimo Bruto auxilio veniunt<sup>96)</sup>. Praeter Caesaris Octaviani legiones consulibus Hirtio septima, ex veteranis constituta, et Pansae quatuor recens delectae erant. Legiones Martia et quarta Caesaris cum recens a Pansa delectis magna clade afficiuntur<sup>97)</sup>. Cum autem senatus post proelium Mutinense Decium Brutum ducem delegisset adversus Antonium eique legiones cum alias tum Pansae commisisset, Caesar id aegre ferens, in gratiam cum Antonio rediit<sup>98)</sup>. Decimo Bruto, qui Caesare interfecto in provinciam suam, Galliam Cisalpinam, profectus erat, ab initio Mutinae tres legiones erant<sup>99)</sup>, ita ut jam, quatuor Planci legionibus ei a senatu concessis, septem legiones haberet<sup>100)</sup>. Postea tres addidit, quarum decem legionum quatuor rei militaris peritae erant, reli-

95) Appian. b. c. III., 47. — 96) III., 65. Dio Cass. XLVI., 29. — 97) Cic. ad div. X., 30. 33. Phil. XIV., 10. Appian. III., 69. — 98) Appian. b. c. III., 74. 80. Dio Cass. XLVI., 40. — 99) Appian. b. c. III., 2. 6. 49. — 100) Cic. ad div. XI., 10.

quae sex recens delectae et minus exercitatae <sup>1)</sup>). Diligentius tamen Plancus apud Ciceronem <sup>2)</sup> de Decimi Bruti copiis his verbis videtur scribere: „In castris Bruti una veterana legio, altera bima, octo tironum.”

Tum Caesar cum octo legionibus idoneoque equitatu atque alia insuper multitudine, quae legiones solebat comitari; Romam proficiscitur, Consul ut fieret effecturus <sup>3)</sup>). Romam advenerant duae legiones veteranae ex Africa, quae C. Julio Caesare duce stipendia fecerant, et quibus tum Sextius in Africa praefuerat <sup>4)</sup>, praeterea una erat Romae a Pansa consule relicta, quae tres legiones Caesari urbem ingredienti sese tradunt <sup>5)</sup>. Caesar cum Q. Paedio consul creatur <sup>6)</sup>. Sex legiones, quas Decimus recens delectas habuerat, ad Caesarem transeunt <sup>7)</sup>. Caesar atque Antonius ad Mutinam simul cum Lepido omnes provincias inter se partiuntur. Caesar Africam, Siciliam et

Sardiniam cum vicinis insulis sibi paciscitur <sup>8)</sup>. Ex decem Lepidi legionibus tres sib[us] addit, quatuor sumit Antonius, ita ut uterque jam cum viginti legionibus bellum cum Cassio et Bruto gerere posset. Re vera autem utrisque quadraginta tres legiones erant <sup>9)</sup>. Neque non tot conficiuntur. Si quis enim Caesaris legiones computaverit, viginti legiones inveniet, Antonio autem viginti tres legiones fuisse supra docuimus. Tum triumviri urbem unusquisque cum una legione atque praetoria cohorte ingrediuntur, atque inimicos suos proscribunt <sup>10)</sup>.

Anno 712 u. c. 42 a. Chr. n. Caesar primum Rhegium deinde Brundusium contendit, ut totum exercitum, quo ipse atque Antonius adversum Cassium et Brutum uterentur, inde in Graeciam trajiceret <sup>11)</sup>. Apud Philippus Antonio atque Caesaris XIX. legiones, quae justum militum numerum excederent, atque equitum simul cum Thracibus tredecim milia fuisse supra demonstravi. Eodem die, quo prius proelium ad Philippus commissum est, duae legiones Caesaris, quarum altera Martia nominabatur, altera quarta, quum a Calvino mare Jonium trajicerentur, a Murco et Ahenobarbo, Bruti et Cassii ducibus, partim deletae in mari,

---

1) Appian. b. c. III., 97. — 2) Ad div. X., 24. —  
3) Suet. Octavian. 26. Appian. b. c. III., 80. 90.  
4) Cic. ad div. X., 24. Appian. b. c. III., 85. 91.  
IV., 52. Dio Cass. XLVI., 45. XLVIII., 21. Reliquus Sextii exercitus, Cornificio, altero Libyaee praeside devicto, quatuor legionibus constabat, quibus postea Lepidus est potitus (cf. Appian. b. c. V., 26. 75.). — 5) Appian. b. c. III., 91. 92. — 6) III., 94. — 7) III., 97. Dio Cass. XLVI., 53.

8) Appian. b. c. IV., 2. — 9) IV., 3. V., 6. — 10) IV., 7. — 11) IV., 87.

partim captae sunt, ut solus dux cum nave sua Brundusium effugeret<sup>12)</sup>). Bruto mortuo copiarum reliquias, quadraginta milia hominum, Caesaris et Antonii legionibus immixtas fuisse, supra docuimus. Praeterea Messala Corvinus et Lucius Bibulus cum iis, quos secum habebant, ad Caesarem transierunt<sup>13)</sup>). Provinciis iterum inter se divisis Caesar atque Antonius milites emeritos praeter octo milia dimittunt, quae sibi cohortes praetorias addunt. Reliquis eorum exercitus, quod hoc loco, ut melius, quomodo copiarum numerum Octavianus auxerit, intelligatur, repetere liceat, cum iis, qui a Brutis partibus ad ipsos transierant, constabat undecim legionibus et quatuordecim milibus equitum, quas copias sic inter se partiti sunt, ut Antonius octo legiones et equitum decem milia sibi sumeret, Caesar tres legiones et quatuor milia equitum acciperet duasque ex iis undecim legionibus, quas Antonius Caleno duce in Italia reliquerat, sibi adderet. Tum Caesar in Italiam rediit<sup>14)</sup>). Omnino duodetriginta legiones Caesari et Antonio eo tempore fuisse vidimus, quae centum septuaginta milia hominum efficiebant, praeter equitatum et magnum aliud ejusdam exercitus multitudinem<sup>15)</sup>). Atque re vera plures videntur fuisse legiones, Manius

12) IV., 116. 117. Plut. Brut. 47. — 13) Appian. b. c. V., 136. — 14) V., 3. 12. 24. — 15) V., 5.

enim, Antonii procurator, Romae Caesar objicit, eum non duodeviginti urbes Italicas inter duodecimtriginta legiones, sed totam Italiam inter triginta quatuor legiones distribuere<sup>16)</sup>). Caesar Romam reversus Africam Lepido concedit<sup>17)</sup>.

Anno 713 u. c. 41. a. Chr. n. ab Antonio duas legiones, quae ipsum in bello adversus Pompejum gerendo adjuvarent, accipit, atque Salvidienum cum sex legionibus in Hispaniam proficiuntur jubar<sup>18)</sup>). Salvidienum vero Caesar, cum inimicitiae inter ipsum et L. Antonium consulem, Marci fratre, existent, revocat; ipse quatuor legiones Capuae et cohortem praetoriam habet<sup>19)</sup>). Tum adversus L. Antonium proficiuntur, Lepido ad Romam custodiendam cum duabus legionibus relicto, Antonius autem urbe potitur atque Lepidus ad Caesarem effugit<sup>20)</sup>). Unam legionem Caesar Brundusium miserat, quae illam urbem ab Ahenobarbo defendaret, aliam legionem Caesaris Plancus in itinere delevit<sup>21)</sup>). L. Antonius a Caesare Perusiae obsessus ei cum pluribus, ut videtur, legionibus ineunte anno 714 u. c. 40 a. Chr. n. se tradit<sup>22)</sup>). Reliquus ejus exercitus, XIII. legionibus et equitum sex milibus quingentis constant,

16) V., 22. — 17) V., 12. — 18) V., 20. Dio Cass. XLVIII., 10. — 19) Appian. b. c. V., 24. 27. 31. — 20) V., 29. 30. — 21) V., 29. 33. — 22) V., 46.

quibus Asinius, qui septem legionibus diu in Antonii potestate Venetiam retinuerat<sup>23)</sup>, Plancus, Ventidius, Crassus et Atejus praecerant, quum aut Brundusium aut Tarentum aut Ravennam scese contulisset, partim ad Murcum vel Ahenobarbum, partim ad M. Antonium transit. Duae tantum legiones Planci sunt Caesaris partes secutae<sup>24)</sup>. Q. Fufio Caleno, qui undecim M. Antonii legionibus praeficerat, mortuo, Caesar anno 714 u. c. 40 a. Chr. n. ejus exercitum atque Galliam Hispaniamque occupat<sup>25)</sup>. Tali modo est factum, ut jam plus quam XXXX. legiones haberet et perditum multitudine Pompejum, Antonium et Ahenobarbum superaret. Legiones Antonii tamen occasione data distribuit carumque sex, quas maxime habebat suspectas, cum Lepido in Africam misit<sup>26)</sup>, Luciumque Antonium Hispaniae praeposuit, ut tamen a legatis eum observari vellet<sup>27)</sup>. Duae legiones ejus, quas in Sardinia habebat, Sexto Pompejo, qui illam insulam occupavit, se tradunt<sup>28)</sup>. Tum Caesar atque Antonius apud Brundusium inter se in gratiam redeunt. Provinciis denuo divisis Caesar in omnes terras a Scodra, Illyriae urbe, usque ad Oceanum sitas imperium accipit. Novam

23) Vell. Pat. II., 76. — 24) Appian. b. c. V., 50. —  
25) V., 51. ibique Dillen. Dio Cass. XLVIII., 20. —  
26) Appian. b. c. V., 53. — 27) V., 54. — 28) V., 56.

eumque parem delectum uterque in Italia habere instituit, Antonius, ut bellum adversus Parthos susciperet, Caesar Pompejo bellum illaturus<sup>29)</sup>). Exercitum quendam apud Rhodanum, cuius fides suspecta erat et cui Salvidienus antea praefuerat, Caesar Antonio tradidit<sup>30)</sup>. Qui exercitus sex legionibus videtur constitisse<sup>31)</sup>. Pace cum Pompejo facta, Antonius Athenas proficiscitur, Caesar Romam atque inde in Galliam, in qua motus exorti erant<sup>32)</sup>. Pompejus vero, quum pacis conditiones ei non placent, anno 716 u. c. 38 a. Chr. n. amicitiam dirimit; Caesar, quum novum bellum imminaret, exercitu ex Gallia alioque ex Illyria<sup>33)</sup> advocato, Menodorum, qui Corsicam cum tribus legionibus obtinebat, sibi adjungit<sup>34)</sup>. Inter Caesaris copias legio XIII. nominatur<sup>35)</sup>. Idibus Iuliis anni 718 u. c. 36 a. Chr. n. Caesar, quum priore anno inter Metapontum et Tarentum urbes cum Antonio foedus icisset, Dicaearchia, Lepidus ex Africa in Siciliam trajiciunt<sup>36)</sup>. Numerabat autem Caesar in Sicilia conductis in unum copiis XXI. legiones, viginti milia equitum atque amplius duo milia leviter armatorum. Una legio nominabatur

29) V., 65. — 30) V., 66. Dio Cass. XLVIII., 28. —

31) Appian. b. c. V., 24. 27. — 32) V., 75. —

33) Vell. Pat. II., 78. — 34) Appian. b. c. V., 78

80. — 35) V., 87. — 36) V., 97.

prima<sup>37)</sup>). Lepidus primum cum XII. legionibus, quas Vell. Paternulus<sup>38)</sup> semiplenas nominat, in Siciliam ex Africa trajecerat, subsequebantur quatuor legiones, quarum duae in mari interierunt<sup>39)</sup>). Ad XIV. legiones istas accedebant octo legiones, quibus Plennius, Pompeji legatus, Lilybaei praeverat, ita ut Lepido XXII. legiones essent<sup>40)</sup>). Totus hic exercitus initio ab octo illis Pompeji legionibus facto Caesari se tradit<sup>41)</sup>). Legiones igitur Caesari erant XLIII., Appianus<sup>42)</sup> tamen testis est, eum copiis in unum conductis numerasse quinque et quadraginta legiones, equitum milia quinque et viginti, levis armaturae septem et triginta circiter. Quād milites tumultuantes in Sicilia Antonii adventum exspectare frustra jussisset, Philippensis et Mutiniensis militiae sociis, ut vetustissimae legionum parti, missionem dedit, deinde iis quoque, qui dena stipendia expleverant, quo ex numero erant fere, qui ad Philippos dimicaverant. Sic dimissa sunt militum circiter viginti milia et ex Sicilia ablegata, ne ceteros contagione corrumperent<sup>43)</sup>). Tali modo legionem X. quandam dimissam esse Grotfendius<sup>44)</sup> docet.

37) V., 112. 116. — 38) II., 80. — 39) Appian. b. c. V., 103. 105. — 40) V., 112. 123. — 41) V., 124. 125. Dio Cass. XLIX., 12. Oros. VI., 18. — 42) V., 127. — 43) V., 127. sqq. Dio Cass. XLIX., 14. — 44) I. l. p. 652.

Maximis copiis instructi Caesar Octavianus et Antonius pugnam Actiacam a. d. IV. non. Sept. anni 723 u. c. 31 a. Chr. n. iniverunt, ille habebat naves ducentas quinquaginta, exercitum octoginta milium atque duodecim milia equitum, hic quingentas fere naves, exercitum centum milium atque parem equitum numerum<sup>45)</sup>). Qua in pugna caesa sunt hostium milia quinque, naves omnis generis captae trecentae, sicut ipse Caesar in commentariis suis rettulisse traditur. Nam alii occidisse milia duodecim ex victis prodiderunt, sex vulnerata, ex his inter curandum mille mortuos<sup>46)</sup>). Antonius ex pugna Actiaca ausfugit, relictis integris legionibus undeviginti, milibus equitum duodecim. Domum ab infelici proelio regressi nihil moverunt postea, sed in fidem potestatemque Caesaris alii statim, quidam haud multo inde tempore se dederunt<sup>47)</sup>). Quos Antonianos milites, qui nondum expleta stipendia habebant, suas in legiones Caesar distribuit legionesque per varia castra disjunxit<sup>48)</sup>, alios denique in colonias, de quibus Grotfendius<sup>49)</sup> doctissime egit, stipendiis emeritis misit. Anno 727 u. c. 27 a. Chr. n. divisis cum senatu provinciis, sibi inquietiores, in quibus bella erant

45) Plut. Ant. 61. — 46) Freinsh. suppl. Liv. XCIVIII., 8. — 47) XCIVIII., 15. — 48) XCIVIII., 20. — 49) I. l. p. 654.

aut timebantur, recepit<sup>50)</sup>). Reductis in promissam formam provinciis et ad lutelam imperii distributis quatuor et quadraginta legionibus, ab senatu populoque Romano Augustus appellatus est<sup>51)</sup>). Legionum numerus tamen postea est deminutus, ita ut Tiberio imperante viginti quinque legiones essent<sup>52)</sup>.

### Cap. VII.

#### *De M. Aemilii Lepidi legionibus.*

M. Aemilius Lepidus Hispaniam et Galliam Narbonensem, quibus provinciis anno 710 u. c. 44 a. Chr. n. a C. Julio Caesare erat praefectus<sup>53)</sup>), cum quatuor legionibus obtinebat atque Antonio favebat<sup>54)</sup>). Antonius clade apud Mutinam anno 711 u. c. 43 a. Chr. n. accepta trans Alpes proficiscitur atque castra sua ex adverso Lepidi castris ponit, ut flumen tantum interesset. Uterque exercitus statim amicitiam conjungit, decima maxime legione, quam Antonius olim conscripserat, in Le-

50) Freinsh. suppl. Liv. XCIX., 96. C., 30. Ruperti, Handbuch der Römischen Alterthümer. Hannover 1841. p. 92. — 51) Freinsh. suppl. Liv. XCIX., 103. — 52) Tac. Ann. IV., 5. Suet. Aug. 49. Dio Cass. LV., 53. — 53) Dio Cass. XLV., 10. 51. — 54) Appian. b. c. III., 46.

pidi castris Antonii causam multum juvante. Lepidus cum septem legionibus aliaque magna multitudine atqua magno belli apparatu sese cum Antonio conjungit, ut ipse quidem earum copiarum dux maneret, summam belli autem Antonius administraret<sup>55)</sup>). Quum Antonius, Caesar et Lepidus apud Mutinam provincias inter se partirentur, Lepidus Hispaniam cum illa Galliae parte, quae Pyrenaeos montes attingebat atque vetus Gallia nominabatur, accepit. Exercitum Lepidi Antonius et Caesar inter se parti sunt, Lepidus ipse Romae mansit provinciamque per legatos administrandam curavit<sup>56)</sup>). Bruto et Cassio devictis Caesar et Antonius iterum provincias inter se dividunt Lepidoque provinciam admidunt<sup>57)</sup>). Caesar autem Romanum reversus anno 714 u. c. 40 a. Chr. n. Africam, quam a Sextio acceperat, Lepido permittit, Hispaniam enim ei ademptam per Carrinam administrandam curabat<sup>58)</sup>). Neque tamen Lepidus continuo in provinciam suam videtur abiisse, Caesar enim, quum adversus L. Antonium bellum pararet, Romanum Lepido cum duabus legionibus custodientiam commisit. Is autem, quum Lucius urbe potitus esset, ad Caesarem aufugit<sup>59)</sup>). Quo bello confecto Caesar Lepidum cum sex legionibus An-

55) III., 84. — 56) IV., 2. 3. — 57) V., 3. — 58) V., 12. 26. — 59) V., 29. 30.

tonii, quas maxime suspectas videbatur habere, in Africam misit<sup>60)</sup>). Tertio denique quum Caesar atque Antonius in gratiam reversi provincias dividerent, Lepido Africa, ut eam a Caesare traditam acceperat, est commissa<sup>61)</sup>). In Africa Lepidus copias suas magnopere auget Sextioque, Antonii legato, quatuor legiones adimit<sup>62)</sup>. Calendis Juliis anni 718 u. c. 36 p. Chr. n. Lepidus ex Africa in Siciliam cum XII. legionibus semiplenis<sup>63)</sup> atque duodecim milibus Numidarum equitum trajicit, adversus Pompejum pugnaturus<sup>64)</sup>. Praeterea quatuor legiones paulo post sunt transvectae, duae tamen in mari pereunt<sup>65)</sup>. Quibus quatuordecim legionibus octo legiones Pompeji accedebant, quae cum Plennio legato Lilybaei ei se tradebant, ut Lepido jam XXII. legiones essent<sup>66)</sup>. Verum omnes illae copiae ad Caesarem transeunt, et Lepidus ipse postea Romae privatus vixit<sup>67)</sup>. Ceterum scriptores de Lepidi legionum numero inter se dissentunt, Suetonio<sup>68)</sup> enim auctore Lepido fuerunt XX. legiones, Vellejo Paterculo<sup>69)</sup> autem amplius XX.

60) V., 53. Dio Cass. XLVIII., 20. 23. — 61) Appian. b. c. V., 65. — 62) V., 75. — 63) Vell. Pat. II., 80. — 64) Appian. b. c. V., 98. — 65) V., 105. — 66) V., 123. — 67) V., 124 seqq. — 68) Aug. 16. — 69) II., 80.

### Cap. VIII.

*De M. Bruti et C. Cassii Longini legionibus.*

C. Julius Caesar, quum adversus Parthos prefecturus esset, omnes magistratus provinciasque in quinque annos distribuerat<sup>70)</sup>. Cassius Syriam et Brutus Macedoniam acceperant<sup>71)</sup>. Caesare necato quum Cassius et Brutus praetores Antonium timerent, a senatu haud inviti ex urbe dimittuntur, ut commeatui prospicerent, et in Campania substiterunt<sup>72)</sup>. Cum Dolabellae Antonioque consulibus Syria atque Macedoniae decretae essent, senatus Cassio Cyrenen et Cretam, ubi nullus erat exercitus<sup>73)</sup>, Bruto Bithyniam attribuit<sup>74)</sup>. Plutarcho<sup>75)</sup> auctore tamen Bruto Creta, Cassio Libya, Trebonio Asia, Cimbro Bithynia et alteri Bruto Gallia, quae est circa Padum, decreta est. Brutus et Cassius autem provinciis, sibi a C. Julio Caesare destinatis, vi potiri constituunt<sup>76)</sup>, in eamque rem pecunias et exercitum colligunt<sup>77)</sup>. Senatus quum Antonium hostem declarasset, iterum Bruto Macedoniam cum Illyrico, Cassio Syriam

70) Appian. b. c. II., 128. — 71) III., 2. — 72) III., 108. Dio Cass. XLVII., 20. — 73) Appian. b. c. III., 35. — 74) III., 8. — 75) Brut. 19. — 76) Appian. b. c. V., 24. — 77) V., 126.

provincias decernit cum iis exercitibus, qui in utraque terra essent. Brutus, qui jam ipse exercitum sibi comparaverat, ab Appulejo, qui Q. Philippi, Asiae proconsulis, quaestor fuerat, parvum quendum exercitum collectum accepit cum coque in Boeotiam est prefectus<sup>78)</sup>. In Illyrico tres legiones, quibus P. Vatinius a C. Julio Caesare praepositus erat<sup>79)</sup>, sibi assumpsit<sup>80)</sup>. Vatinium septem legionibus validum fuisse, Vellejus Paternulus<sup>81)</sup> testatur, quod minus est probabile. In Macedonia Bruto cum C. Antonio, Marci fratre, qui huic provinciae una cum legione praeverat, dimicandum erat. Legio illa Apolloniae Bruto se tradidit. Praeterea quatuor legiones in Macedonia maxime conscripsit conscriptasque Italico more exercebat. In universum igitur Bruto erant octo legiones, quarum milites maximam partem jam C. Julio Caesare duce militaverant<sup>82)</sup>.

Cassius autem vel maiores copias adeptus est. In Syria enim, quae jam a senatu Cassio provincia erat decreta, C. Caesar, quum iter per eam fecisset, unam legionem reliquerat<sup>83)</sup>, quae duce suo inter-

78) III., 63. IV., 75. Dio Cass. XLVI., 24. 40. 47. —

79) Appian. de reb. Illyr. 13. — 80) Cic. Phil. X., 6.

Liv. epit. libri 118. Appian. b. c. IV., 75. —

81) II., 69. — 82) Cic. Phil. X., 6. Appian. b. c.

III., 79. IV., 75. 88. — 83) Caes. bell. Alex. 66.

Appian. b. c. III., 77.

fecto alteram quandam legionem conscripsit, ut, si quando opus esset, defendere se posset<sup>84)</sup>. Murcum a C. Caesare cum tribus legionibus adversus se missum statim reppulerunt, quare Murcus M. Crispum, Bithyniae praesidem, cum aliis tribus legionibus auxilio vocavit<sup>85)</sup>. Dum haec geruntur, Cassius adveniens duas illas legiones obsessas atque sex obsidentes anno 712 u. c. 42 a. Chr. n. sibi adjunxit<sup>86)</sup>. Inter sex illas legiones, quae primae Cassio se dederunt, haud dubie XXXV. et XXXVI., quas C. Julius Caesar in Ponto reliquerat, fuerunt. Praeterea Alienum, qui cum quatuor legionibus ex iis militibus, qui Pompejo et Crasso devictis dissipati fugerant, aut quos Caesar apud Cleopatram reliquerat, confectis, ex Aegypto Dolabellae auxilio proficiscebatur, ut se cum ipso conjungeret, coegit. Quibus duodecim legionibus Dolabellam cum duabus legionibus Laodiceae oppugnavit<sup>87)</sup>. Quod autem Grotfendius<sup>88)</sup> legiones XXXVII. et XXXVIII. inter Alieni copias fuisse conjicit, illud verissime de legione XXXVII.<sup>89)</sup> certe dicit. Do-

84) Liv. epit. 114. Strabo XVI., 2. 10. p. 752. ed. Casaub. — 85) Appian. b. c. III., 77. Jos. bell. Iud. I., 10. 5. 10. — 86) Cic. ad div. XII., 11. 12. Vell. Pat. II., 69. Jos. bell. Iud. I., 11. 4. Dio Cass. XLVII., 27. — 87) Appian. b. c. III., 78. IV., 58. 59. Dio Cass. XLVII., 36. seqq. — 88) I. l. p. 649. — 89) cf. p. 26.

labella a servo se interfici jussit, ejusque duas legiones, quarum una veterana ex sex Macedonicis legionibus, altera recens conscripta erat<sup>90</sup>), Cassius suo nomine sacramentum dicere coegit<sup>91</sup>). Tali modo Brutus et Cassius exercitum viginti duarum legionum habebant eumque semper augebant<sup>92</sup>). At Vellejus Paterculus<sup>93</sup>) Bruto et Cassio decem et septem legiones assignat, verum non eo de tempore, quo illas copias, quibus postea sunt usi, jam collegerant, videtur dicere. Ante pugnam apud Philippos commissam Brutus, qui in Asiam trahiserat, Lyciam sibi subjecit<sup>94</sup>) atque Dejotarum, extrema senectute virum, qui antea Cassio auxilium denegaverat, ad societatem ineundam compulit<sup>95</sup>). Cassius autem, fratris filio cum una legione in Syria relicto, Rhodum expugnavit ibique praesidium satis validum reliquit<sup>96</sup>.) Rhodii Lyciique enim iis belli societatem retractaverant, quam ob causam Cassius et Brutus veriti, ne quid se absentibus moverent ac reliquos ad immutandam fidem concitarent, iis primum bellum intulerunt<sup>97</sup>). Tum Sesto Abydum trajecerunt exercituque lustrato XIX. legiones graviter armatorum habebant, quarum

90) Cic. Phil. XI., 2. Appian. b. c. III., 25. IV., 60. — 91) IV., 62. — 92) III., 97. IV., 1. — 93) II., 65. — 94) IV., 82. — 95) Dio Cass. XLVII. 24. 48. — 96) Appian. b. c. IV., 63. 74. — 97) Dio Cass. XLVII., 33.

octo Bruti, novem Cassii erant. Nulla justum militum numerum habebat, accedebat autem supplementum duarum legionum<sup>98</sup>). Legiones IV. et V. Macedonicas, quae sub Imperatoribus exstabant, fuisse ex quatuor illis, quas Brutus in Macedonia conscripsit, Grotfendius<sup>99</sup>) conjicit. At minime est verisimile, Caesarem et Antonium Cassi Brutique devictorum integras legiones retinuisse, dicuntur potius milites devictos legionibus suis immiscuisse. Crediderim igitur, legiones IV. et V. easdem esse, quas post C. Julii Caesaris mortem Antonius ex Macedonia in Italiam arcessiverat, easque hanc ipsam ob causam Macedonicas esse appellatas. Legionem V. Macedonicam enim et Alaudam; quo cognomine nulla a Bruto conscripta legio potest insignita esse, eandem esse, me iis, quae de Imperatorum legionibus conscripta olim divulgare mihi in animo est, probaturum esse confido.

Praeterea Cassius Murcum et Ahenobarbum, legatos suos, cum duabus legionibus et centum triginta navibus in mare Jonium miserat, ut triumviros commeatu intercluderent<sup>100</sup>), unam legionem in Syria reliquerat<sup>1</sup>), atque haud parvae copiae denique praesidia videntur in variis Asiae minoris urbibus

98) Appian. b. c. IV., 88., qui locus emendatione videtur indigere. — 99) I. l. p. 650. — 100) Appian. b. c. IV., 86. 98. — 1) IV., 63.

agitasse<sup>2)</sup>). Ceterum legiones Bruti et Cassii, quas per Macedoniam et Orientem collegerant<sup>3)</sup>, non erant integrae, supplementa autem duarum fere legionum numerum aequabant, ut ipsis militum octoginta fere milia essent. Equitum Bruto erant mille Celtae et Lusitani, duo milia Thracum, Illyriorum, Parthenorum et Thessalorum, Cassio erant duo milia Hispanorum et Celtarum, quatuor milia hippotoxotarum Arabum, Medorum et Parthorum. Socii eos sequenti sunt reges et tetrarchae Galatarum cum magno exercitu peditum equitumque quinque milibus<sup>4)</sup>. Alio loco<sup>5)</sup> Appianus equitum adeo viginti milia fuisse dicit. Maxima militum, quos habebant, pars sub C. Julii Caesaris auspiciis stipendia fecerat<sup>6)</sup>. Cassium et Brutum tanto plus multitudine valuisse, quanto hostibus virtute militum inferiores fuissent, Dio Cassius<sup>7)</sup> testatur. Alter Plutarchus<sup>8)</sup> memoriae tradidit, qui dicit, Bruti exercitum minorem quidem numero fuisse Caesariano, armorum splendore vero mire praecelluisse. In priore proelio apud Philippos commisso Brutus tres adversariorum legiones delevit, ita ut tribus aquilis multisque signis potiretur. Ipse octo milia hominum deperdidit,

adversariorum autem major quam duplex numerus est interfectus<sup>9)</sup>. Cassio et Bruto mortuis reliquiae exercitus eorum, quadraginta fere milia, ab Antonio et Caesare venia impetrata in eorum exercitus distribuuntur<sup>10)</sup>. Multi Messala auctore ad Antonium transeunt<sup>11)</sup>, postea autem Messala ipse atque Lucius Bibulus cum iis, quos secum habebant, Caesari se tradunt<sup>12)</sup>. Attamen satis magnae copiae ex Bruti et Cassii exercitibus supererant. Cassius Parmensis cum classe et exercitu in Asiae ora relictus, ut pecunias exigeret, Rhodi eo tempore versabatur et triginta Rhodiorum naves secum abduxit, cui se Clodius cum XIII. navibus et ter mille hominibus graviter armatis, quos Rhodi praesidium habuerat, adjunxit. Accedebat Turlius, Tullii Cimbri, qui Bithyniae praefuerat<sup>13)</sup>, quaestor, cum multis navibus atque pecuniis Rhodi exactis, multi nobiles viri, qui Thaso insula evaserant, Lepidus cum exercitu quodam, qui Bruti nomine insulam Cretam occupaverat, atque Murcus denique et Ahenobarbus magno cum exercitu. Qui omnes in Jonium mare vecti sunt; pars eorum Murcum ducem, pars Ahenobarbum est secuta<sup>14)</sup>. Ahenobarbus et Murcus exercitum

2) IV., 99. — 3) Flor. epit. VII., 3. — 4) Appian. b. c. IV., 88. — 5) IV., 108. — 6) IV., 89. 124. 133. — 7) XLVII., 38. — 8) Brut. c. 38.

9) c. 42. 45. — 10) Appian. b. c. IV., 135. Dio Cass. XLVII., 49. — 11) Appian. b. c. IV., 38. — 12) IV., 136. — 13) Cic. ad div. XII., 19. Val. Max. I., 1. 19. 14) Appian. b. c. V., 2.

et alteram classem colligebant<sup>15)</sup>, quo facto Murcus duabus cum legionibus, quingentis sagittariis, magnis pecuniis et octoginta navibus ad Pompejum transiit<sup>16)</sup>. Ahenobarbus cum septuaginta navibus et duabus legionibus mare Jonium infestabat<sup>17)</sup>. Murci et Ahenobarbi milites autem magnam partem sub Lucii Antonii legatis stipendia fecerant<sup>18)</sup>. Ahenobarbus Antonii partes secutus postea ab eo Bithyniae est praepositus<sup>19)</sup>. Labienus denique a Cassio et Bruto adversus Parthos missus, tota Syria usque in Joniam peragrata, cum Parthis societatem inierat<sup>20)</sup>. Anno 715 u. c. 39 a. Chr. n. a P. Ventidio, Antonii legato, opprimitur<sup>21)</sup>. Tales fere fuerunt militum, qui intra biennium conscripti<sup>22)</sup> cum Cassio et Bruto apud Philippos adversus Antonium et Caesarem pugnaverant, casus.

### Cap. VIII.

#### *De Sexti Pompeji, Cn. f., legionibus.*

Sextus Pompejus, Cneji filius minor natu, Cnejo fratre mortuo in Hispania consedit, ne au-

15) V., 15. — 16) V., 25. Vell. Pat. II., 72. — 17) Appian. b. c. V., 26. — 18) V., 50. — 19) V., 55. 63. 20) V., 65. Dio Cass. XLVIII., 24. seqq. — 21) XLVIII., 40. — 22) Appian. b. c. IV., 133.

tem cum C. Julii Caesaris legatis manus consereret, diligenter cavebat. Frustra C. Caesar adversus eum Carrinam et Asinium Pollionem in Hispaniam miserat, neque ipsi Caesaris contigit, ut Pompejanis in Hispaniam devictis Pompejum quoque juvenem extingueret. Anno 710 u. c. 44 a. Chr. n. Sexto Pompejo in Africa minimum septem legiones fuerunt<sup>23)</sup>. Caesare necato senatus Pompejum revocavit, qui primum Massiliam se contulit, deinde in Siciliam, ubi Bithynicum obsidebat obsessumque interfecit<sup>24)</sup>. In ejus partes transiit statim Murcus cum duabus legionibus, quingentis sagittariis, magnis pecuniis et septuaginta navibus, atque alter exercitus a Cephalonio subsequebatur<sup>25)</sup>. Tum Pompejus Sardiniam, Caesaris provinciam, occupat quatuor legionibus, atque Caesaris due legiones, quae insulam illam defendebant, ei se tradiderunt<sup>26)</sup>. Tali modo est factum, ut Pompejus, qui initio ab Augusto est contemptus, quippe qui juvenis imperitus nihil gesturus esse videretur, ita mare Siculum infestaret urbemque omni commeatu intercluderet, multi ut fame in urbe perirent<sup>27)</sup>. Quamobrem anno 715 u. c. 39

23) Clc. ad Att. XVI., 4. — 24) Appian. b. c. IV., 83. 84. Dio Cass. XLV., 10. XLVI., 40. — 25) Vell. Pat. II., 72. Appian. b. c. V., 25. Dio Cass. XLVIII., 19. — 26) Appian. b. c. V., 26. — 27) Dio Cass. XLVIII., 17 seqq., 31.

a. Chr. n. Caesar, Antonius Pompejusque, quum ad Misenum convenissent, pacem ea lege componunt, ut Pompejus Siciliam, Sardiniam, Corsicam et Peloponnesum acciperet<sup>28)</sup>). Quum vero Pompejus paulo post Peloponnesum provinciam propter ini- quas conditiones accipere nollet, novae inimicitiae anno 716 u. c. 38 a. Chr. n. cum Caesare sunt coortae<sup>29)</sup>). Ineunte bello Pompejus magno damno est affectus, cum Menodorus ejus legatus Corsicam atque tres legiones Caesari tradidisset<sup>30)</sup>). Bello continuato autem Caesari plures intulit clades. Cum simul a Caesare atque Lepido ipsi bellum inferretur, atque octo legiones, quibus Plennius Lilybaei praeverat, ad Lepidum transiissent, ad omnium rerum desperationem redactus in Asiam aufugit, ubi quum tribus legionibus et ducentis equitibus collectis Lampsacum cepisset, et Antonii in Armenia clade cognita cum Parthis de societate per legatos ageret, Antonii jussu anno 719 u. c. 33 a. Chr. n. est interfectus<sup>31)</sup>). Milites ejus videntur maximam partem ad Antonii partes con- cessisse.

28) Appian. b. c. V., 72. Dio Cass. XLVIII., 36. —

29) Appian. b. c. V., 77. — 30) V., 78. 80. —

31) V., 137. 145. Dio Cass. XLIX., 18.

## CORRIGENDA.

Pag.	7. v.	4. leg. instituisset.
"	8. v.	3. " Zimmermannianarum.
"	10. v.	3. 347.
"	10. v.	27. " Liv. XXI., 17.
"	16. v.	18. " Suet.
"	16. v.	26. " incolumem.
"	18. v.	26. " VIII., 54.
"	22. v.	14. " giones <sup>33)</sup> .
"	22. v.	15. del. <sup>33)</sup> .
"	34. v.	19. leg. existimaret.
"	35. v.	23. " Appian. b. c. II., 105.
"	36. v.	19. " sumerent.